

Kristo Abikkuliddwa Mu Kigambo Kye Ye

Jeffersonville, Indiana USA

Agusito 22, 1965

1 Ka tukoteke emitwe gyaffe. Mukama Yesu, omusumba w'Ekisibo ekikulu, tulina ebbanja gy'Oli Mukama, nga tetusobola na kukusasula olw'okwagala kw'ofuse mu mitima gyaffe. Tuwlira nga tetusaanidde nga bwe tukotese emitwe gyaffe nga tuyimiridde mu Kubeerawo Kwo. Tusaba Otunaaze mu nsobi zaffe n'ebibi byaffe byonna. Tusaba nti Onootuzzaamu amaanyi mu mibiri gyaffe leero. Abangi balwadde ate nga banyigirizibwa, nga bwe kyeraga wano, olw'obutambaala, n'ebi'okusabira ebiyingirawo okuyita ku masimu na buli wamu.

Era tukkiriza nga tumaliriza ebyafaayo by'ensi eno kaakano, olwo mu kiseera ekitono ddala tuggweere mu Butaggwaawo, era twagala okuba nga twetegekedde essaawa eyo. Ky'ekyo ekitukunjaanyizza wano amakya ga leero, kwe kwetegekera ekiseera ekyo. Nnjambiddwa nti waliwo bangi abayungiddwa ku masimu enkya ya leero mu ggwanga lyonna, okuva ku Lubalama okutuuka ku Lubalama. Wonna eddoboozi lyaffe we liva, leka akabiina ako akatono kaweebwe omukisa. Wonya abalwadde abali mu bo, era nsaba nti Onoolongoosa emmeeme zaabwe okuva mu bubi bwonna. Tuyambe naffe wano enkya ya leero, ku Kkuunjaaniro, tusbole naffe okunyumirwa omukisa ogwo.

2 Era tukusaba Oyogere awamu naffe olwaleero okuyita mu Kigambo Kyo ekiwandiike, n'Omwoyo leka Atubikkulire ebyo bye twetaaga nga bwe tukunjaanye eggwanga lyonna kaakano, nga tuwlira okuba abantu abatono, wabula abalina ekifo mu banunule, kubanga tukkirizza Yesu Kristo. Mukama ebintu bino bituwe.

Bwe tunaaba tumalirizza olukunjaana, ne tudda mu maka gaffe ag'enjawulo mu ggwanga lyonna, leka tugamba ng'abo abaali bava Emawo, nti, "Emitima gyaffe tegyatutyemuse bwe Yabadde Ayogera naffe mu kkubo?"

Kaakati Kitaffe, mmanyi nga byonna bye nnandyogedde, tebiyamba naddala eri Abakristaayo mu ggwanga lyonna abo abataddeko ladiyo zaabwe, tekiyinzika kuba nga byo bimala. Si kintu kye njogera nga kye kiyinza okubaako akalungi ke kikola, kubanga fenna tuli mu ttuluba lye limu. Tuli bantu, ate abafa. Wabula leka Omwoyo Omutukuvu ow'ekitalo Ayogere; leka Akwate Ekigambo Yeebikkule Mwene. Tumulindiridde kaakano mu Linnya lya Yesu. Amiina. Muyinza okutuula.

3 Nninga...kinneewunyisa nze kennyini. Nnangambye mukyala wange, bw'aba nga ali mukuwuliriza, emmanga eyo mu Tucson, nti ssaalowozessa na kuba na lukunjaana nga nkomyewo; n'engoye ssaazireese. Era nnagambye mukaamwana wange yakkattidde ekkooti yange, ne njogera nti, "Nja kusigala emabega w'ekituuti, ne...Tebamanyi nga n'empale kika kirala ku ky'ekkooti." Y'eyo gye nnyambala eka. Wabula, Meda, yagolodde essaati n'ebirala byonna, n'olwekyo buli... Temveraliikirira; buli kimu kiri bulungi.

4 Kaakati, tulina wano eky'okusabira, nga waliwo ow'oluganda omwagalwa...Era ndowooza nti-nti ali mu Prescott, nzikiriza, ayungiddwako amakya ga leero, mu-mu Prescott Arizona. Taata wa Mwannyinaffe Marcier, abadde mu kkubo ng'ajja wano mu lukunjaana, kye ntegeddeko, era babadde balina okumutwala mu ddwaliro olw'ekirwadde ky'omutima, ekimugwiridde ow'Oluganda Coggins. Era, ow'Oluganda Junior Jackson naye, ndowooza ali ku ladiyo eddako emmanga eyo oba ku ssimu endala emmanga mu Clarksville oba New Albany, ne kitaawe ali mu ddwaliro, kye ntegeddeko, n'okulongoosebwa okwa Kookolo okw'amaanyi mu kibumba. Kale, twetaaga okubajjukira abo mu kusaba kwaffe. Era wano waliwo n'abalala, wabula, tetwagala kutwala budde bwonna. Byonna Katonda Abimanyiiko, n'olwekyo ka tubasabire kaakano.

5 Katonda Omwagalwa, ng'omusajja oyo, nnamukadde, ow'omukono ogugongobadde, ow'Oluganda Coggins, nnamukadde eyazirwanako mu ddwaniro, bw'ali...ng'agalamidde mu ddwaliro enkya ya leero, awantu awamu ng'anyigirizibwa ekirwadde ky'omutima. Katonda wange, omutima ogwo omunaku omukadde guyise mu bizibu bingi ddala. Nsaba Katonda wange, Omuyambe. Kituwe. Ayagala...obulamu abwagala nga ffe bwe tubwagala, era ayagala okuba omulamu. Mukama Katonda Kituwe. Fenna okwetooloola eggwanga tumusabira mu Linnya lya Yesu, nti Ojja kumuwonya era Omuggyeyo. Tukkiriza ng'Ojja kukikola; ajja kujja butereevo ne mu lukunjaana.

6 Tusabira ow'Oluganda Jackson, kitaawe ow'omuwendo, ng'agalamidde eyo ng'ali kumpi n'okufa kaakano, okuzaala omulenzi omulungi mu nsi nga Junior. Nze-Nze Nsaba, Katonda wange omwagalwa, Omuwonye. Mmanyi kiringa ekitasoboka. Ab'ebi'obujjanjabi, abasawo, bo-bo tebamanyi na kyakukola mu mbeera ng'eyo. Wabula Tujjukira ow'Oluganda Hall, naye, abakugu bennyini abasingirayo ddala mu by'ekisawo wano bwe baagamba, mu Louisville nga boogera nti, "Abuzaayo essaawa ntono okufa," bwe yalina Kookolo mu kibumba. Olwaleero mulamu, gy'emyaka abiri mu etaano egiyise, olw'ekisa Kyo. N'olwekyo, Mukama nsaba, Owonye ow'Oluganda Jackson leero, leka ekisa Kyo n'okusaasira Kwo kubere wamu Naye.

N'omugugu guno gwonna ogw'obutambaala, n'ebiremba na buli kimu, ebiteereddwa wano

olw'okusabirwa; Kitaffe, bona Obamanyi. Nsaba ng'Onoobawa okuwonyezebwa bona. Mu Linnya lya Yesu Kristo. Amiina.

7 Kale, kaakano nga tutandika enkya ya leero, okusooka kwa byonna, ssaalowozezza nti ku Ssande nja kuserengeta emmanga eno. Olwo ate bwe twakiranze, ne nzikirira. Ow'oluganda Neville yandese ne njogera! Ne tukiranga nga tujja kubeerayo leero, kyokka ate nga tekitegeezeddwa eri abantu mu ggwanga. Era kati twafuna enkola eno ay'amasisma ennungi ddala. Abantu basobola okutuula mu maka gaabwe oba...okukunjaanira mu bifo byabwe, amakanisa gaabwe na buli kimu ne basobola okuwulira ebigena mu maaso mu lukuunjaana. Nkisiima ekyo.

8 Kaakati ndaba wano, nga waabaddewo ebyetaago eby'okusabira bingi wiiki eno eyise, ku kye nnayogerako ku Ssande eyayita mu Bubaka. Nzirkiriza nga nneerabidde ne bwe nnabuyita. Wabula Nnayogera ku kintu okusasula amabanja go. Era mumanyi, Si nsonga kiki kye mwogera, abangi bakikwata bubi. Si nti kuba bo...bo tebaagala kukitegeera bubi, naye weesanga bwesanzi nga okitegedde bubi. Kati waliwo eyagambye nti, "Tugule emmotoka?" oba "Kiki kye nnyinza..."

Kaakati, ekyo Yesu si kye yayogerako, oba Baibuli eyo, bwe yayogera nti, "Tobanga na bbanja lya muntu yenna." Amabanja agali awo g'osobola okusasula. Gasasule. Tekirina...Ekyo bwe butaba n'akubanja. Tekitegeesa...Abange, batubanja ez'okupangisa, amabanja g'essimu, ffe-ffe...n'ebirala. Tu-tubanjibwa ebinto ebyo, era ne tubisasula. Wabula, ebbanja eriruddewo ly'osaanira okusasula, lisasule. Mulaba? Kaakati, togenda nga waliwo ekifaanana bwe kityo ekikwerippye.

9 Nzirkiriza olunaku Iwe nnali omulwadde, bwe nnali nkyali kalenzi kato. Nnavi mu ddwaliro nga mmanjibwa enkumi bbiri eza ddoola. Era waalingawo eyalinga atunda eddagala wano, Mwami Swaniger, ng'ammanja ddoola bisatu oba bina, nga bya ddagala. N'okummanyi nga tammanyi. Omusajja...Nnagenda gy'ali. Nnali simumanyi. Naye n'amala galiweereza buweereza engulu eno nga tagaana kuliweereza. Ne njogera nti, "Ommanja." Era ne njamba...Nzirkiriza, Swaniger...Yali Mwami Mason eyabeeranga emmanga ku luguudo Court Avenue and Spring.

Ne njogera nti, "Nnina ebbanja lyo. Nkyali munafu nnyo, wabula ngezaako okugenda ku mulimu. Kaakati, bwe mba sisobola kukusasula..." Nnaakafuuka Omukristaayo. Ne njamba nti, "Ekintu ekisooka, Mwami Mason, ng'obuvunaanyizibwa bwange eri Katonda, Ammanja ekimu eky'ekkumi kyange. Njagala kusooka kumusasula ekimu eky'ekkumi kyange." Ne njogera nti, "Obuvunaanyizibwa bwange obuddako kwe kusasula amabanja gange." Ne njamba nti, "Kitange alwalalwala era ye...Naffe tulina...Tuli abaana kkumi mu famire yaffe." Wabula nnagamba nti, "Nja...Bwe siisoobole kukusasula ggwe waakiri ssente abiri mu ttaano ku bbanja eryo buli lunaku; bwe mba nga sisobola na kukusasula waakiri ssente abiri mu ttaano, nja kujja nkikubuulireko. Nja kukubuulirako, 'Nze-Nze sisobola kukikola mu kiseera kino.'" Kale, olw'obuyambi bwa Katonda, buli bbanja nnalisasula. Mulaba? Wabula ekyo kye ntegeeza, mulaba? Taganya muntu kumala googera...

10 Oh, Omukristaayo omu wano ku kkanisa olumu yafuluma ebweru ne wabaawo omulimu gwe yakola ku mmotoka, n'omusajja n'aserengeta...Omusajja n'agamba nti, "Nja kukusasula. Nsasulwa ku Lwamukaaga," oba ekifaanana bwe kityo. Era teyamusasula. Wiiki ku wiiki ne zeekulungula, nga tamusasulanga, nga tamugambangako kigambo kyonna. Omusajja n'alyoka ajja n'ambuuza nga bw'agamba...Mulaba, bwe kiwa ekifaananyi ekibi ku kkanisa. Kirabika bubi eri Kristo.

Bw'oba tosobola kumusasula, genda omugambe nti, "Ommanja, nja kukusasula. Ndi Mukristaayo, naye wabaddewo kko...sisobola kukikola mu kiseera kino, nninawo... waliwo ebbanja lino." Era mujjukire, mumanyi nga biwandiikkidwa ne mu bitabo bya Katonda, nga bwe mumanyi, ebyo bye mukola. N'olwekyo kiri...ngezaako oku...ku Iwange ne ku Iwaffe fenna awamu, mugezeeko okubeera abeeteefuteefu, kuba tumanyi waliwo kye tusemberera, tusemberedde ddala ekintu ekimu ekigenda okutuukawo. Kale nno twagala okubeera abeeteefuteefu. Awo nga Okujja kwa Mukama bwe kusembra ennyo kaakano, twagala okuba nga twetegekedde essaawa eyo enkulu.

11 Kaakti twagala okwetegeka era twogere ku ky'okuyigako ekitono wano kye nnalonze enkya ya leero, olw'obuyambi bwa Mukama. Era tugenda kwogera mu bufunze nga bwe tusobola olw'abantu abayungiddwa ku masimu. Nsuubira nti mwenna mufunye...mu ggwanga lyonna, mulina amakya amalungi nga ge tulina wano mu Indiana. Malungi, obudde buweweeyu okuva Iwe yatonnya. Bulungi nnyo.

12 Kaakano njagala okusoma mu kitabo kya Abaebbulaniya essuula esooka; era ne mu kitabo kya Yokaana Omutukuvu essuula esooka. Abaebbulaniya 1:1-3 ne Yokaana Omutukuvu 1:1, olw'ekyokuyigako. Eky'okuyigako kyange amakya ga leero, kuyiga kwa mu Byawandiikibwa. Kati ka tusome Abaebbulaniya 1:1

Katonda edda...bwe yayogereranga mu bitundu ebingi ne mu ngeri ennyingi eri bajjajjaffe mu bannabbi

Mu nnaku zino ez'oluvannyuma yayogerera naffe mu Mwana , gwe yassaawo okuba

omusika wa byonna era gwe yatonza ebintu byonna;

Oyo bw'ali okumasamasa kw'ekitiibwa kye...n'ekifaanayi kye ddala bw'ali, era bw'asitula ebintu byonna n'ekigambo eky'obuyinza bwe, bwe Yamala okukola eky'okunaaza ebibi, n'atuula ku mukono ogwa ddyo ogw'Obukulu waggulu;

Nga kitundu kirungi okusoma! Kati, Yokaana Omutukuvu 1:1

Ku Lebereberye waaliwo Kigambo, Kigambo n'aba awali Katonda, Kigambo n'aba Katonda.

13 Kati, eky'okuyigako kyange enkya ya leero kiri: *Kristo Abikkuliddwa mu Kigambo Kye Ye.* Kati, ekintuusizza okwogera ku kino, kyabaddle lwakuba nti...Okumanya nti bye twogera tetuteekeddwa kumala gabyogera kubanga tukunjaanye awamu okumala googera ku buli kye tusanze, naye ky'ekintu ekijja okuyamba okutebenkeza abantu, kubanga tugenda kuyita mu mazzi ag'omutawaana ag'obulabe. Ne kaakati mwe tuseeyeyeza mu go. Era olumu ndowooza kibatuukako nga bwe kintuukako, bwe kityo bwe kirabika okuba, ekisinganako, bitisa.

14 Mbaddeko n'omuweereza omuto gwe mbadde njogera naye wamu ne mukyala we akabanga akayise. Era nga bona balina okutya ng'ensi yonna bw'eri, ng'abantu abalala bwe bali ku nsi. Ne njogera nti, "Mujjukire nga Setaani alina ekikonde ky'ali mu kubaleetera mmwe." Tafaayo ggwe ani, Katonda...Alina obuyinza ku kikonde ekyo ekimu. Waakiri ggwe okubeera nakyo; n'oba omuzibe, oba n'obeera eyagongobala Atuula mu katebe oba okubeera mu kutya? Mulaba? Alina w'akuteegedde okukukubira ekikonde. Alina olukusa ku ekyo ekifo ekitabikkidwako. Kaakano, ekyo ky'ekifo ky'oteekwa okubikkako akaseera konna. Naddala bw'olaba omulembe guno gwe tulimu ogw'ekiwuggwe!

15 Era entambi za wiiki ewedde, ndowooza, zija kubabikkulira ebintu ebitiisa ddala bye tugenda okwogerako mu zimu ku nnaku zino bwe tunaafuna ebbanga erimala, okubembula ebibonyoobonyo ebyo ebisembayo okufukibwa ku nsi, manyanga Ebibya ebyo, okufuka okuva mu Bibya, n'Ebibwatuka Omusanvu n'ebintu ebyo ebitiisa ennyo okutunulako nga bijja ku nsi. Omuntu kaakano, n'abantu leero, bali mu mbeera ey'okujugumira; ensi yonna!

16 Bwe munaasoma olupapula Iwa *Readers Digest* olw'omwezi guno oguwedde, mujja kwekkaanya omutwe oglim; guli ku Billy Graham, omubuulizi w'enjiri ow'ekitalo. Yakooye nnyo n'atasobola na kuba na nkunjjaana ze, era-era nga yagenzeeko mu ddwaliro lya Mayo okukeberebwa omubiri. Tewaabaddewo kikyamu kyonna ku ye, wabula takola mirimu gimala. Ate nga baamuteeka ku kudduka; okukozesa omubiri. Buli lunaku adduka mmayiro nnamba. Eggulire ligenda mu maaso n'okugamba nti ekyo ssaayansi akikakasizza olwaleero, nti abaana abato, abalenzi bano n'abawala, "batuuka mu myaka gyabwe egypttulula ku myaka abiri egypt'obukulu." We bawereza emyaka abiri mu etaano, emirundi egisinga obungi, ne mu mbeera ennyingi, abawala baba bavudde mu nsongza zaabwe ez'ekikyala, ku myaka abiri mu etaano egypt'obukulu.

Simanyi oba nga mubadde mukimanyi oba nedda, naye mu biro bitono ebiyise, Omwoyo Omutukuvu bwe yali ayogera wano mu lukanjaana, nga waliwo akawala akatudde wano, ky'ekyo kyennyni ekyali ekikyamu n'omwana oyo bwe yayitibwayo. Ne mmwetegereza omulundi ogw'okubiri, ne ntunula nate, ne nsobola okulaba ekyabdde ekizibu. Ne ndowooza nti, "Tekisoboka; omwana oyo muto nnyo." Wabula ddala kwali kukoma kugenda mu nsongza z'abakyala, nga wa myaka ng'abiri egypt'obukulu, abiri mu-esatu ekintu ekifaanana bwe kityo. Mulaba?

17 Mmange ne nnyoko bo batuuka mu biseera ebyo nga bawezenza emyaka wakati w'ana mu etaano n'ataano. Mukyala wange ye yabituukamu nga w'amyaka asatu mu etaano. Kaakati bikkiridde okutuuka ku abiri. Olulyo lwonna olw'omuntu luvunze. Kale, bwe kiba nga ebiri mu mibiri gyaffe biyuzaayuziddwa bwe bityo olw'okulya emmere ennongooseemu, obunkenke, kwe kugivunzizza, ekyo tekisobola na kuvunza butoffaali bwa bwongo? Olwo nno tusobola okulaba engeri abakazi gye basobola okutambulamu ku nguudo nga bali bukunya. Tusobola okubalaba nga bafuumuuka okuyita mu kibuga nga bali ku mbiro za mmayiro abiri mu buli ssaawa, ebintu bino byonna. Kituuse mu kifo nga eggwanga lyonna, ensi yonna, si ggwanga lino lyokka, naye buli wamu, obwongo buwunguttu.

18 Kati, olwo ebyo bwe tunaabyanjuza; nga Mukama Asiimye, ku Bibya ebyo Omusanvu n'okulaga ebintu ebitiisa. Abantu bajja kuba batabufu ba mitwe nnyo, oluvannyuma lw'akaseera, okutuusa bwe baanaalaba ng'enswa yenkana ekiswa obunene. Kijja kubonyaabonya abakazi; enzige zija ku nsi, n'enviiri empanvu okubonyaabonya abakazi abasalako enviiri zaabwe; nga zirina enviiri ezirebeeta ng'abakazi; n'amannya amawanvu nga ag'empologoma; nga zirina obuyiso mu bubina bwazo ng'enjaba na buli kimu, okubonyaabonya abantu ku nsi. Naye ate kijja kuba kikeerezi nnyo okubaako ky'okikolako. Weetereeze kaakano. Olaba? Okubonyaabonya!

19 Ssande ewedde bwe twali tugenda mu nkulungo ezo, engeri obusimo obwo obutaano gye bufugamu mu ngeri ey'omubiri. Ogowo gwe mukutu, obusimo butaano eri omubiri. Waliwo ekkubo limu lyokka mw'osobola okuyita okuyingira mu mubiri, kwe kuyita mu busimo obwo obutaano: okulaba, okuloza,

okukwatako, okuwunyiriza, okuwulira. Tewaliwo ngeri ndala yonna yaakuwuliziganyaamu na mubiri.

Munda w'omuntu oyo waliyo omuntu ayitibwa mwoyo. Era alina obusimo butaano: okulwooza, ekirowoozo...n'ekirowoozo, okwagala, okwawula ekirungi n'ekikyamu n'ebirala bwe bityo. Kirungi.

Kale, tosobola kulwooza na mubiri gwo. Olowooza na ndowooza. Era omwo Abakristaayo abasinga obungi, we bakoma. Era ne basobola, nga kasooli mu nnimiro awamu n'omuddo, bisobola okufukibwako amafuta n'Omwoyo Omutukuvu y'omu omukkiriza ow'amazima gw'afukibbwako. Wabula munda omwo, omutendera oguddako, ogw'okusatu y'emmeeme; eyo ye yateekerwateekerwa Katonda. Awo wennyini ddala ensigo y'obulamu ey'annamaddala w'ebeera, eri munda omwo.

Era, mujjukire, singa nkwatera ssere ne mmusalamu, ne ntuaamu omutima gw'enjaano, munda omwo, ne ngiziika; esobola okuzaala enjaano mu ssere; si nsongu ku ngulu kuliko ki, kukyamuukirira nnabaki.

20 Leero, kutabulwatabulwa nnyo ku bukakafu Obw'omwoyo Omutukuvu, na buli kimu. Setaani asabolera ddala okugeegeenya ekirabo kyonna Katonda ky'Alina, naye tasobola kuleeta Kigambo ekyo, Ekigambo ku Kigambo. Awo wennyini we yalemererwa bwe yali mu lusuku Adeni. Awo bulijo w'alemererwa, awo we wali, olutambi olukwata ku "abafukiddwako amafuta ab'obulimba," oba "abafukiddwako amafuta; basobola okufukibwako amafuta n'Omwoyo, ne boogera mu nnimi, ne bazina, ne baleekaana, ne babuulira Enjiri, naye nga basetaani.

Ky'ekiri munda! Kati jjukira, Yesu Yagamba nti, "Bonna Kitange be Yampa balijja gye Ndi. Tewali ayinza kujja gye Ndi Kitange bw'Atasooka kumuwalula." Kaakati, essomo eryo tuliyiseemu, okulaga nti mu...Wali mu jjajja wa jjajja wa jjaja wo, emabega eyo yonna, nga twogera mu buntu. Awo ekyo ggwe ky'oli mu mubiri, mu butonde. Olumu omwana ajja kuzaalibwa mu famire, nga wa mutwe mumyufu. Kyewuunyisa kitaawe, kubanga mu kika kye talina gw'amanyiyo nga wa mutwe mumyufu oba ku ludda lwa maama. Wabula nga bw'olondoola emabega ddala mu mirembe eg'yenjawulo, ojja kuzuula nga waaliyo eyalina omutwe omumyufu. Ensigo eyo egenda yeeseesetula okutuuka wano, naawe n'ofaanana omu ku abo ab'emabega ddala.

Nga Abaebbulaniya essuula 7 bwe yagambye, nti, "Ibulayimu yawa Merukizeddeeki ekimu eky'ekkumi bwe yali akomawo okuva okutta ba kabaka. Era Leevi, eyafuna ekimu eky'ekkumi, n'awa ekimu eky'ekkumi," kuba yali mu ntumbwe za Merukizeddeeki ku...oba "entumbwe za Ibulayimu," manyanga bwe yasisinkana Merukizeddeeki.

21 Era kati ky'ekintu ky'ekimu kino. Bw'oba omwana wa Katonda, nange bwe mba mutabani wa Katonda, oba muwala wa Katonda, twali mu Katonda ku lubereberye. Olwo Yesu bwe Yafuuka obujjuvu bw'Ekigambo, olwo twali mu Ye, akawulungwa k'obulamu. Bwe Yakomererwa, twakomererwa mu mubiri Gwe. Bwe Yazuukira okuva mu bafu, twazuukira wamu Naye. Era kaakati, olw'okuba tumaze okukitegeera, "kaakano tutudde wamu Naye, mu bifo eby'omu Ggulu mu Kristo Yesu." Mulaba? Kuba Ye... Ffe, bwe tuba abatabani era bawala ba Katonda, tuli baana ba Katonda, olwo, tuba birowoozo bya Katonda. Ku olwo twali...twalina Obulamu Obutaggwaawo. Ate nga ne Katonda ye Yekka Obulamu Obutaggwaawo obuliwo. Olwo, twali mu Ye okuva ku lubereberye. Olwo Yesu bwe Yafuuka Ekigambo ekyo kyonna, olwo twali kitundu ku Ye ku olwo. Amiina! Awo we muli. Ekyo kye kiri munda, temuli muzimu, temuli maanyi, nga tewali na kisobola kukiseesetula. Eyo y'enkondo y'emmeeme.

Ku ngulu *wano*, osobola okufukibwako amafuta, mu mwoyo ono, ne weegomba, n'okola ebintu bino byonna ebirala. Naye bwe gutuuka ku nkondo eno ey'Ekigambo ekyo, toliseesetukawo. Ejja kunyweza bulungi era nga y'amazima eri Ekigambo ekyo nga bwe kisoboka. Wabweru w'ekyo, sinsonga okola ki, osigala obuze.

22 Omulembe gw'Ekkanisa ya Lawodikiya, "oguli obukunya, omuzibe, omunaku; nga n'okumanya tegumanyi." Mulabe, guli wabweru...Gw'egwo ogufukiddwako amafuta, nga gufukiddwako amafuta n'Omwoyo owannamaddala. Mulabe ng'Omwoyo oyo Asobola okugwa ku muntu, mu mwoyo we. Wabula emmeeme ye ke kaweke ke; nga n'akaweke ako ky'Ekigambo. Mulaba? N'enegeri...Sifaayo osobola kyenkana wa okubuulira, engeri gy'okolamu obulungi *kino*, n'engeri gy'olinamu okwagala; ky'ekimu ku mikutu gy'omwoyo egiyingiza. Tosobola kwagala na mubiri gwo; oyagala na mwoyo wo. Gwe gumu ku mikutu egiyingiza. Era osobola okwagala, ne Katonda n'omwagaliram, ate n'osigala nga toli mutuufu. Osobola n'okugoba emizimu n'obuulira, n'okukola ebintu bino; ate n'osigala nga toli mutuufu. Yesu bwe Yagamba atyo, ng'Agamba nti bangi bagenda kujja gye ndi ku lunaku olwo. Ekigambo ekyo kimala eggobe mu kibya!

Ku lubereberye waaliwo Kigambo, Kigambo n'aba awali Katonda, Kigambo n'aba Katonda.
Kigambo n'ayambala omubiri n'abeerako gye tuli...

23 Mwekkaanye, nga njenda okwogera ku ky'okuyigako kino ekya Baibuli, ekya Kristo Abikkuliddwa mu Kigambo Kye Ye. We nnakoledde okusalawo okusembayo, bwe nnabadde mu kisenge kyange. Omuntu omu omulungi, ayinza n'okuba ng'atudde wano amakya ga leero...nnafunye ekifaananyi ekyabaddde

kireebetera mu kisenge kyange mwe nsomera, ky'ekifaananyi ky'Omumwe gwa Kristo ekya Hofmann. Ekiwandiikiddwa mu kuyigiriza kwa Yesu ku ngero z'omukisa. Okutuukira ddala awantu nga olinga eyeetaaga ekitundu ky'enviiri, nga oyita ku kitundu ekyo, ekkalaamu baagikwasa nnyo. Awo, Wuuyo awo, ng'Atudde mu Kigambo Kye ng'Atunudde wabweru; Kristo mu Ngero z'omukisa. Omuntu yenna eyakola ekyo nkikwebaliza ekyo. Era omuntu omu yaleese ekifaananyi ekyo n'akiteeka mu kisenge mwe nsomera, ekya Eriya ng'ayambukira mu kigaali ky'omuliro. Ebintu bino tubisiima. Emirundi egisinga obungi, ebibiina ebinene, mba sisobola kufuna mukisa okugamba n'okwogera bintu nga bino, wabula nkiraba, ow'oluganda mwannyinaze. Nki-nkimanyi ne Katonda Akimanyi.

Kaakati njenda okwogera ku ky'okuyigako kino ekya: *Kristo Abikkuliddwa mu Kigambo Kye Ye*. Engeri bwe kyali mu ngero ezikwata ku mikisa, nga Ekifaananyi kya Kristo kiri awo Ayimiridde, nga kyetengeredde kyokka. Awo we nnalowoolezza eky'okuyigako kino. Kaakati, Kristo n'Ekgambo bali omu. Mukiraba?

24 Bagamba nti, "Baibuli yali etya...?" Abantu bwe bagamba. Nnali nvuga n'omusajja ssi bbanga ddene. n'agamba nti, "Kirowoozeeko. Tuli wano ku nsi, mu ngeri gye tulimu, era kye tumanyi kyokka, oba kye tusobola okwogera kyokka, twalokolebwa n'olufumo Iw'Abayudaaya oluyitibwa Baibuli."

Ne njogera nti, "Ssebo, simanyi ekyo bwe mukyogera, naye era ssikkiriza nga lufumo Iw'Abayudaaya," bwe nnagamba. Ye n'agamba nti, "Kale, bw'oba osaba, osaba ani? Ne mmubuuza gundi oyo n'ebimu ku bintu ebirala; ssaasobola kubifuna."

25 Ne njogera nti, "Musaba mu bukyamu. Tetuteekwa kusaba okukyusa endowooza ya Katonda; tuteekeddwa kusaba okukyusa endowooza zaffe. Endowooza ya Katonda teyeetaaga kukyusibwa kwonna. Mulaba? Laba, ekyo kituufu." Ne njamba nti, "Si ekyo kye wasabye..." Nnina omulenzi Omukatoliki embulakalevu gwe mmanyi, lumu, eyalina akatabo k'okusaba, nga bw'asaba essaala, nnyina abe omulamu. N'amala n'afa, n'akwata akatabo n'akasuula mu muliro. Kale, mulaba, sigoberera katabo ka ssaala; naye, mu ngeri yonna, laba, n'otwala endowooza enkyamu. Ng'ogezaako okugamba Katonda eky'okukola.

Essaala eteekeddwa okuba nti, "Mukama, Nkyusa nze okugya mu Kigambo Kyo." Si nti, "Nkyusa," si nti "Leka nkyuse endowooza Yo. Ggwe Kyusa endowooza yange." Mulaba? "Kyusa endowooza yange nga bw'Oyagala. Era ky'Oyagala kiwandiikiddwa wano mu Kitabo. Era, Mukama, To-tonjanya kugenda okutuusa ng'Ofunye endowooza yange nga etuukanidde ddala n'endowooza Yo. Olwo endowooza yange bw'eba etegekeddwa ng'endowooza Yo, olwo nja kukiriza buli Kigambo kye Wawandiika. Era Wayogera munda omwo, 'Byonna Ojja kubikola olw'obulungi' eri abo abakwagala Ggwe. Era nkwegala Ggwe Mukama. Byonna bikola Iwa bulungi."

26 Wiiki eno mbadde emmanga eyo mu ggwanga, nga ndi n'abamu ku mikwano gyange abaagalwa. Ne mbuuza abamu ku bo bwe twabadde ku mmeeza, jjo, bwe twabadde nga tulya. Bulijjo tutuula ne tufunayo...okuyigako okutonotono mu Baibuli. Twabadde twogera ku kwagala. Ne wabaawo eyanjambye ng'ayogera nti, "Nzikiriza ng'oli mulabe wa Kristo."

Ne njogera nti, "Bwe kiba ng'ekyo kisanyusa Mukama wange, ekyo kye njagala okuba. Njagala mbeere kyonna ky'Ayagala mbeere. Mmwagala Ye. Era bw'Aba nga Waakunsuula mu Ggeyeena, nja kwongera okumwagala, bwe njenda n'omwoyo gwe gumu gwe nnina kaakano." N'antunuulira mu ngeri eyeewuunyisa.

Ne ndaba bana oba bataano ku bo awo, abavubuka embulakalevu; abakyala abato, abakazi abalungi. Ne mmanyi engeri abavubuka abo gye baayagalalu bakazi baabwe, kye nnavudde mbagamba nga njogera nti, "Ekkubo ly'okukigezesi liirino wano. Mukala wo bw'aba, nga bwe mwali temunnafumbiriganwa...Kaakati, n'oddayo n'ogamba nti ggwe...obulamu bw'obufumbo buno, mubadde muloota nga muli bafumbo; mazima ddala mubadde temunnafumbiriganwa; wabula mwaloota mufumbiriganiddwa. Bwe mwazuukuka, n'ogenda ne mukyogerako ne mukwano gwo omuwala era n'ogamba nti, 'Omanyi, nnaloose nga tufumbiriganiddwa, nga tulina n'abaana. Nga tuli basanyufu, era-era nga bwe tulindirira Okujja kwa Mukama, nabuli kimu.' Kati awo, omuwala ono n'akuddamu nti, 'Omanyi waliwo omusajja omulala gwe njagala okusinga bwe nkwegala ggwe. Nja kuba musanyufu n'omusajja oli omulala.' Oyinza okukiggya mu mutima gwo, n'omugamba ng'omwagala ekimala nti, 'Emikisa nya Katonda gikubeereko mukwano. Genda n'omusajja oli omulala'?

Kati, kaakano kikebere ekyo, buli omu ku mmwe basajja mmwe oba bakazi mmwe. Mulaba? Kale, okwagala kwo bwe kuba nga kutuufu, waandisobodde okukikola ekyo, kubanga ekikusanyusa ye kwe kuba obulungi. Kiki, omnyi wandisobodde okuba naye, osobola okubeera naye, ggwe...Mukala wo; ajja kuba. Ajja kukufumbirwa, naye tajja kuba musanyufu. Ajja kuba musanyufu n'okusingawo...Awo nno, bw'oba ng'omwagala, olwo obeera omwagaliza okuba omusanyufu. N'olwekyo, Katonda kyonna ky'Ayagala, leka ky'ekiba kikolebwa, oba nga ndi musanyufu nakyo oba nedda. Njagala okuba omulamu Ye Asobole okusanyukira kye nkola. N'olwekyo weenoonye ebigendererwa byo n'ekiruubirirwa kyo mu ekyo; omnyi oba nga ddala oyagala Katonda oba nedda. Watya singa Akugamba nti, "Mpeereza wadde nga

ŋnjenda kukusuula eri?" Wabula mu buli ngeri Nkwagala."

27 N'olwekyo, singa ekkanisa zibadde zisobola okukiraba ekyo ate ne bakikkiriza mu ngeri eyo, tekyandibadde ng'omuntu agezaako okuggya omupiira ku munne ate ng'agezaako okudduka nagwo. Y'andibadde amukuumu bukuumi. Mulaba? Bwe wabaawo ekigendererwa n'ekiruubirirwa ekituuufu, tewandibaddewo agezaako kugamba nti, "Owaaye, *kinonakyo nkifunye! Ono ye nze, kino.*" Laba, Katonda tasobola kukozesa muntu. Waliwo okugeegeenya kungi okukyetobeseemu, ate ng'oyo ye Setaani. N'abantu tebasobola na kukitegeera ekyo. Bagezaako okubaako omuntu gwe baggyako omupiira ogwo ogumuweereddwa. Leka wabeewo obuweereza Katonda bw'Ayimusa olyoke olabe bameka abagenda okubuyaayanira okubwezza. Mulaba? Olaba?

28 Kaakati, okwagala kwa Katonda okwannamaddala, "Sifaayo kitundu ki kye ndi, Mukama, singa nsobola okwogera ekigambo ku Iwakwo, yamba Okikuume, ŋnjanya nkikole ekyo." Mukiraba? Bwe kityo bwe kyandibadde ddala ne mukyala wo. Bw'oba ddala ng'omwagala, labayo, si-si kwagala kwa fireewo; okwagala kwa *agapaawo*, okwagala okwannamaddala. Asobola okubeera omusanyufu ennyo n'omuntu omulala; kaakano temufumbiriganwanga, mazima, temukisobola.

29 Kyokka ate era, n'abantu abawuliriza entambi zino. Abamu, abangi ku bo baweereza nga boogera nti, "Lwaki, mu *Obufumbo n'Okwawukana*, wagamba *kino* era n'ogamba na *kiri*." Ekyo nkyogedenga emirundi mingi; entambi zino zigenda eyo yokka...njogera eri ekibiina kyange, ow'oluganda. Sivunaanyizibwa ku kisibo Katonda kye Yakuwa okulunda; nvunaanyizibwa ku kika ky'Emmere gye ndiisa abantu bano. Kino kikwata ku Kkunjaaniro lino lyokka. Mulaba? Kaakati, abantu bwe baba baagala okuwuliriza entambi, ekyo kiri gye bali. Naye njogera eri abo Katonda Bampadde. Byali bibi byabwe ebyasangulwa.

Waliwo eyawandiika ng'agamba nti, "Kale, nnakola *kino*, nnakola na *kiri*. Wagamba nti ekibi kyaffe..." Nze-nze Ssaakyogerako ekyo. Nnagamba nti, "Mukyetegereze *kino*; nga *kino* ky'abantu bano bokka abali wano, abantu b'omu Kkunjaaniro wano, ekisibo kyange." Kaakati, abantu bwe baba baagala okuazaazamu emmere ennongooseemu n'ebintu okuva mu ebyo, mu-mufune okubikkulirwa okuva eri Katonda n'okukola Katonda ky'Abagamba okukola. Nja kukola ekintu ky'ekimu. Naye Obubaka buno buli eri ekkanisa eno.

30 Mwekkaanye kaakano, tukomewo, tulina okuba n'ekintu eky'okwenywerezzaako. Ekintu ekimu kirina okuba enkondo y'okwenywerezzaako, ekitegeeza, kya nkomeredde. Na buli omu ateequa okuba n'eky'enkomeredde oba kikamalabyonna. Nnakibuulirako olumu, emyaka egiyise, ku kikamalabyonna, nga ky'ekifo ky'ekigambo ekisembayo.

Ng'omufuuyi wa ffirimbi y'omupiira gw'abakazi, bw'agamba nti kuteeba, ekyo ky'ekibeerera ddala. Sinsonga ggwe okirabye otya, ow'effirimbi agambye nti ateebye. Wagambye nti "Nze-Nze-Nze..."Tekubadde kuteeba. Kigenze...Ndabye nga..." Sinsonga kiri kitya, bwe yagambye nti, "ateebye," ky'ekyo, ekyo kimala bumazi. Ye ,ky'eky'enkomeredde.

Ekitaala kyoku kkubo, ky'eky'enkomeredde. Bwe kigamba nti "genda." Ggwe n'ogamba, nti "Kale, Nze, ndi mu bwangu, nnina..." Nedda, nedda. Kigamba, "Ggwe Yimirira butengerera, ng'abalala bagenda." Mulaba? Kyo ky'eky'enkomeredde.

31 Kati, wateekwa okubaawo eky'enkomeredde mu buli ekikolebwa. Waalina okubaawo eky'enkomeredde ng'olonda mukyala wo. Waalina okubaawo omukazi ow'okulonda.

Kale, walina okubaawo ekiseera, ky'ogenda okuguliramu emmotoka, kya nkomeredde ki ky'ogenda okusalawo. Enaaba kika kya mmotoka ekya Ford, Chevy, Plymouth, foreign car, na kyonna kye kisobola okuba, olina okuba n'eky'enkomeredde. Kye kimu ddala n'obulamu bw'Obukristaayo. Walina okubaawo eky'enkomeredde.

32 Kaakati, singa omuntu agamba, yagenda eri omusajja n'amugamba...alina gwe yawulira ng'agamba nti, "Kale, Oteekwa okubatizibwa," ate ono ye nga takikolanga...Oboolyawo ekkanisa ye yeetaabatiza, baamumansirako bumansizi. Ndowooza, twala eky'okulabirako, Abamesodisiti, babatiza singa basabibwa, kye ntegeera. Oba oboolyawo...Omukatoliki, Kye ndowooza, bo bamansira bumansizi kyokka. kale, singa omuntu awulira ku "kunnyika mu mazzi," kale, nga teyakitegeera ekyo; yakuzibwa nga Mukatoliki. Kale nno n'agenda ewa kabona, n'agamba nti, "Ffaaza, nkitegedde nga tulina okubatizibwa nga tunnyikibwa. Eklezia yaffe ekyo ekyoyerako ki?"

"Lwaki, egamba mbu tulina kumansirwako." Eklezia eyo bw'eba nga ky'eky'enkomeredde kye, ekyo kiba kimala. Tewaba kusika mujuwa; Eklezia bw'egambye, era ekyo kimala.

33 Watya singa...ow'oluganda Omubaputisiti atuwulidde nga tugamba nti tukkiririza mu kubatizibwa "okw'okunnyika"? Yandigambye nti, "Ekyo nkikkiriza." Ate mu Linnya lya 'Yesu Kristo.'" Kaakati, ono-ono mmemba w'ekkanisa addayo ewa Musumba n'agamba nti, "Musumba, nnawulidde omuntu ng'anjamamba nti tuteekeddwa okubatizibwa na kunnyikibwa, kirungi, naye mu Linnya lya 'Yesu Kristo.'"

"Kale," ajja kugamba nti, "kat, leka tulabe. Lwaki, wano ekitabo kigamba nti twali baakubatizibwa nga tukozesa 'Kitaffe, Omwana, n'Omwoyo Omutukuvu.'" Ekkanisa eyo bw'eba nga ky'eky'enkomeredde, ekkyo kiba kimala. Aba tafaayo ku kirala kye kigamba; ekkyo ky'eky'enkomeredde kye.

34 Kale, buli kibiina kyaddiini kyankomeredde eri abakkiriza baakyo. Wabula, eri nze, n'abo be nsuubira nga mbakulembedde eri Kristo, era n'olwa Kristo, Baibuli ky'eky'enkomeredde kyaffe. Si nsong...Kuba Katonda Yagamba nti, "Leka ebigambo by'omuntu bube obulimba, ne Kyange gabeere Amazima." Era nzikiriza nga Baibuli ky'eky'enkomeredde kya Katonda. Si nsong kiki omulala yenna ky'agamba; Ky'eky'enkomeredde.

Baibuli si kitabo kya nkola. Nedda, ssebo. Si kitabo kya nkola, newankubadde okulambikibwa kwebigobererwa mu nneeyisa. Baibuli si kitabo kya nkola, enkola nnyingi nnyo n'ebirala. Nedda, ssebo. Si kitabo kya mpisa. Nedda, ssebo. Si bwe kiri. Ate Okutwaliza awamu si kitabo kya byafaayo. Oba okubeera ekitabo ky'amagezi g'eby'eddiini. Kyo kwe Kubikkulirwa kwa Yesu Kristo. Kale, bw'oba oyagala okukisoma ekkyo, mmwe abalina empapula zammwe, nga mukiwandiika, kwe Kubikkulirwa 1:1 okutuuka 3 nga Baibuli bw'eri "Okubikkulirwa kwa Yesu Kristo."

35 Leka tukisome nga bwe tulina akaseera. Nzikiriza mu...sirina bye nnawandiise bingi nnyo eby'okwogera. Mukama ng'Aludde Okujja, Iwaki, tujja kugezaako okubifuna.

Okubikkulirwa kwa Yesu Kristo Katonda kwe yamuwa, okulaga abaddu be ebigwana okubaawo amangu; n'abuulirira mu malayika we ng'amutuma eri omuddo we Yokaana

Eyategeeza Ekigambo kya Katonda n'okutegeeza kwa Yesu Kristo, byonna bye yalaba.

Alina omukisa oyo asoma, n'abo abawulira ebigambo by'obunnabbi buno era n'abawkata ebiwandiikiddwa mu bwo: kubanga ekiseera kiri kumpi.

36 N'olwekyo, Baibuli kwe kubikkulirwa okwa Yesu Kristo mu bujjuvu. Era kyawandiikibwa bannabbi. Abaebbulaniya 1:1, mu..."Katonda, edda bwe yayogereranga mu bitundu ebingi ne mu ngeri ennyingi eri bajjajjaffe mu bannabbi, mu nnaku zino ez'oluvannyuma yayogerera naffa mu Mwana We, Yesu Kristo," ng'abo be baali bannabbi, bona ng'obagasse wamu. Yesu Yali Malaki; Yesu Yali Yeremiya, Isaaya, Eriya. Byonna bye baali, byali mu Ye. Na byonna bye muli, n'ebyo byonna bye ndi, biri mu Ye; Ebigambo, abajulirwa b'Ewigambo.

N'olwekyo, si kitabo kya nkola, ensengeka y'empisa ezigobererwa, wadde okuba ekitabo ky'ebayaayo, oba ekitabo ky'amagezi geddiini. Si bwe kiri. Wabula kwe Kubikkulirwa kwa Yesu Kristo, Katonda Mwene ng'Abikkuddwa, okuva mu Kigambo okudda mu mubiri. Ekyo kye kiri. Baibuli kye Kigambo era Katonda gwe mubiri, Katonda mu...Katonda kye Kigambo, manyanga, Yesu nga gwe mubiri. Kwe kubikkulirwa, engeri Katonda (Ekigambo) gye Yalabisibwamu mu mubiri gw'omuntu, n'abikkulibwa gye tuli. Y'ensonga Iwaki afuuka Omwana wa Katonda; Ye kitundu ku Katonda. Mukitegeera? Kaakati, Ye si... Omubiri kitundu kya Katonda, nnyo ddala okutuusa nga ye Mwana.

37 Omwana, Omukatoliki nga bw'amufuula "Omwana Ataggwaawo," n'amakanisa gonna agasigaddewo; n'okukola amakulu ekigambo tekikola makulu. Mulaba? Tasobola kuba ataggwaawo ate n'abeera Omwana, kuba Omwana ky'ekintu "ekizaaliddwa okuvaamu." Kyokka n'ekigambo Ataggwaawo, Ye Tasobola kuba ataggw...Asobola okuba Omwana, naye tasobola kuba Omwana Ataggwaawo. Nedda, ssebo. Tekisoboka kuba Omwana Ataggwaawo.

Kati, naye Ye Mwana nnyo, nti Ekigambo kyonna ekyali mu Yeremiya, mu Musa, n'Ewigambo ebyo byonna, nga bwe Yagambye nti, "Byogera ku Nze." Okubikkulirwa kw'Obwakatonda okwo kwonna okutuufu okw'Ewigambo kwezingira mu mubiri gumu ogw'omuntu, ne Katonda n'Akiteekako omubiri okukyetooloola. Eyo y'ensonga Iwaki Yayitibwa "Omwana," ky'ekimuyisa "Kitange." Lwaki, kyangu nnyo bwe kityo, bw'oganya Katonda okukikuyiwa mu ndowooza yo. Mulaba? Katonda ng'Abikkuddwa mu mubiri ogw'ennyama, mwekkaanye, ng'Abikkulibwa mu mubiri...oba okuva mu Kigambo okudda mu mubiri. Ekyo ye Yokaana Omutukuvu 1:14, "Kigambo n'afuuka omubiri n'abeerako gye tuli."

38 Kaakati, mwetegereze Baibuli eno. Abamu ku bo baagamba nti, "Oh, kale, kikoze kino, kikoze ekkyo." Naye leka mbeeko kye mbagamba, ka...Leka tugendeko mu byafaayo bya Baibuli, okumala eddakiika, tusobole okulaba ensibuko yaakyo. Kyawandiikibwa abantu amakumi ana Abawandiisi ab'enjawulo. Abasajja ana be baawandiika Baibuli, mu bbanga lya myaka lukumi mu lukaaga, ate mu biseera eby'enjawulo, nga balanga ebintu ebisinga obukulu ebyali bibaddewo mu byafaayo by'ensi, era emirundi mingi, emyaka bikumi na bikumi nga tebinnabaawo. Era tewaliwo nsobi mu Bitabo byonna enkaaga mu omukaaga. Oh, abange! Tewali Nnannyini wabula Katonda Mwennyini y'Atuukiridde. Tewali wadde Ekigambo ekikontana ne kinnaakyo.

Mujjukire, emyaka lukumi mu lukaaga wakati, Baibuli yawandiikibwa okuva ku Musa oku-okutuuka ku kufa kwa Yokaana ku kizinga Patumo. Emyaka lukumi mu lukaaga, era yawandiikibwa abantu amakumi ana ab'enjawulo; omu teyasobolanga kumanya na mulala era baali tebakimanyi nga "Kigambo." Abamu ku bo

tebaalaba na "Kigambo." Naye bwe baakiwandiika, era kyategeerebwa okuba bannabbi, olwo bwe bateeka obunnabbi bwabwe awamu, buli bumu bwagombagana n'obw'omulala.

39 Mutunuulire Peetero, oyo eyalangirira ku lunaku lwa Pentekooti nti, "Mwenenye, buli muntu mu mmwe, mubatizibwe okuyingira mu Linnya lya Yesu Kristo okuggyibwako ebibi byammwe." Pawulo yali takiwulirangako kino. N'aserengeta Mu Arabia okumala emyaka esatu, okuyiga Endagaano Enkadde, okwekkenneeny Empagi y'Omuliro eno yali Ani oyo Eyayogera naye ku lugendo ng'egamba nti, "Sawulo, Ongigganyiza ki?" Yandibadde atya omukyamu. N'ekkanisa teyagyebuuzaako wadde akatono.

Era oluvannyuma Iw'emyaka kkumi n'enya, bwe yasisinkana Peetero, yeesanga nga baali babuulira ekintu ky'ekimu, Kigambo ku Kigambo. Eyo ye Baibuli yaffe. Leka ebigambo by'omwana w'omuntu biremererwe. Ku *kino*, tewali asobola kugattako ku Kyo. Togattako ku Baibuli. Nedda, ssebo. Kuno Kubikkulirwa okujjuvu. Ky'ekyo kyokka.

40 Ng'Envumbo Omusanvu. "Envumbo Omusanvu," wabaddewo omuntu obwedda anjamba nti, "Kati ojja...Mukama Ajja kwogera gy'oli, ow'Oluganda Branham, Envumbo zino bwe zinaabikkulwa era tujja kutegeeezwa engeri ey'okusembereramu Katonda, n'engeri ey'okukikolamu."

Ne njogera nti, "Nedda, ssebo, tekisobola kuba. Kubanga, Baibuli, Envumbo Omusanvu, ku Yo zaalina ebyama musanvu ebikwekeddwa. Byali byamala dda okuwandiikibwa, naye tebaategeera kye kyali." Mulabeeyo engeri gye baatobamu n'ekyo, okubatizibwa mu Linnya lya "Yesu"; mulaba, nga tekyali ekyo. Erinnya lya "Mukama Yesu Kristo"! Mulaba ebintu ebyo byonna, nga bwe byali. Kuba, waliwo ba Yesu bangi; nnina mikwano gyange wano ku nsi ng'amannya gaabwe be ba "Yesu," emikwano gyange abawereera. Si ky'ekyo. Ye "Yesu Kristo Mukama waffe." Tewali mutandisi wabula Katonda Ye Ayinza okuba omutuufu. Kale, leka tulabe engeri Baibuli eno gye yawandiikibwamu.

41 Kaakati, okugeza, okuva...Watya nga tututte ebitabo nkaaga mu mukaaga eby'ekisawo ebikwatagana n'omubiri, nga byawandiikibwa amasomero g'ekisawo ag'enjawulo amakumi ana, kikumu kkumi na mukaaga...oba wakati w'emyaka lukumi mu lukaaga? mu kkumi na mukaaga...oba lukumi mu lukaaga ng'ogyawudde? Twebuuza kweyongerayo nnabaki kwe tuyinza okuba nakwo? George Washington, pulezidenti waffe, emyaka nga bibiri egiyise, ekirwadde kya Lubyamira, baamuggyamu obwala bw'okubigere okusobola okumufunamu otusaayi. Singa tutwala...

Ka tweyongereyo kko katono, mu bintu ebimu ebitusikiriza ennyo leero, ye Ssaayansi. Watya nga tututte okuvumbula kwa Ssaayansi okw'emirundi ana okw'enjawulo, emyaka wakati wagyo lukumi mu lukaaga, ne tulaba kye tusobola okuba nakyo? Munnassayansi Omufalansa, emyaka bisatu egiyise, yakakasa okuyita mu Ssaayansi, bwe yayiringisa omupiira, nti, singa sipiidi eya mmayiro asatu buli ssaawa etuukiddwako, ekintu ekyo kisobola okugwa okuva ne ku nsi. Olowooza Ssaayansi ayinza okuddamu okukijulizaako ekyo? Waliwo okweyongerayo n'ekyo kaakano, bwe bavuga okukkirira ku luguudo wano mmayiro kikumi mu ataano buli ssaawa? Mulaba? Wabula ng'akozesa Ssaayansi ekyo yakikakasa, ng'akozesa omupiira ogwalimu omukka nga guyiringita ku ttaka, nti mu mmayiro asatu buli ssaawa, nti, ekintu kyonna kisobola okusituka okuva ku nsi ne kigenda, kisobola n'okubulira mu bwengula. Nedda, waba tewakyaliwo kyweyongerayo n'ekyo.

42 Naye tewaaliyo Kigambo kyonna mu Baibuli ekikontana ne kinnaakyo. Tewaliwo Nnabbi yali akontanye ne munne. Buli omu ku bo yali atuukiride. Era omu bwe yayingirangawo n'alagula, era nnabbi oyo owannamaddala bwe yasitukanga ng'ayitiddwa okuja, kyalabisibwanga. Mulaba? Olaba? N'olwekyo Baibuli Kigambo kya Katonda, eri abakkiriza abatuufu.

43 Kaakati, tosobola kufuna kituukiridde mu basawo kye bakkaanyizzaako. Tosobola na kufuna kutuukirira kwabwe kaakano. Tosobola kufuna kutuukirira kwa ssaayansi kaakano. Kaakati, mumanyi, ebiseera ebiyise, baatugamba...nti, "Baibuli bw'egamba nti, 'yalaba Bamalayika bana nga bayimiridde ku nsonda nnya ez'ensi,' nti ekyo tekisobola kuba. ensi nga nneetoolovu." Wabula Baibuli egambye "ensonda nnya." Kale, mulabye wiiki bbiri eziyise, oba kibaddewo kaakano, ng'empapula zижuddemu eggulire lino bwe baazuula ng'ensi ya nsonda nnya ate ez'enkanankana. Bameka abaalirabye? Lwaki, mazima ddala. Mulaba? Nhalikoppewo, nga nnindiridde omuntu okubaako ky'alyogerako.

44 Era bagenda kuzuula, olunaku olumu, nti tebalaba bbanga lya kitangaala obukadde bw'emyaka kikumi mu ataano. Batambulira mu nkulungo. Bwe kiri ddala. Mugenda kukizuula, olumu ku nnaku zino, nti bw'ogenda mu Ggulu tolina walala w'obuukira, ojja kuba ng'okyali ddala wano, naawe, ng'oli mu mutendera omulala ogudduka okusinga guno mwe tuli. Wakati mu kisenge muno waliwo langi eziyitamu. Buli langi, essaati, ebiteeteeyi, na buli kimu ky'oyambadde, nga Butaggwaawo, nga kiri eyo ku lutambi, nga Iwetooloola wonna wonna mu nsi. Nga buli kiseera Iw'otemya eriiso, nga kiteekewa butereevu ku lutambi. Mwetegereze, ttivi zija kukikakasa ekyo.

45 Bw'ozaalibwa, Katonda Assaako akakwata amaloboozi. Tekakola...Assaako akakwata amaloboozi, tekaleekaana nnyo okumala akabanga akatonoton, nga bwe mumanyi. Ntegeeza omwana omuwere, okutuusa Iw'atuuka okweweera embalirira; olwo n'atandika okuleekaana, atandika okwogera n'okukola

ebuntu by'alina okwanuukulira. Olwo obulamu obwo bwe bukoma, olwo ebikwatiddwa ebyo ova olutambi ne luggyibwawo ne luteekewba mu tterekero iya Katonda ekkulu. Kaakati, ogenda kukyebalama otya awo awasalirwa Omusango? Lujja kuzannyibwa mu maaso go ddala, nga buli lutambula lwe wakola, na buli kirowoozo ekyayita mu ndowooza yo. Musobola okukiraba ekyo? kaakati musobola okulaba wa Katonda...

46 Nga nnyimiridde wano, ekiro kya luli, waaliwo omusajja ku kadaala, nga muwanvu, ow'ekiwalaata, omusajja alabika obulungi nga w'amaanyi. N'afuluma...Mukama Yali Amugambye ebuntu bingi ddala ebikwata ku famire ye ne by'ateekeddwa okukola. N'afuluma ebweru n'atuula wansi. Nga wayise eddakiika ntonotono, wajja wano mu maaso gange omusajja omulala alinga oyo ddala, wabula nga ye omutwe gwe agukotese. Nnali sirina kye nnyinza; ne ntunuulira omusajja nate ng'ali awo; nga ye...Nga si ye, kubanga kyali kintu ekirala. Omusajja ono, nga sisobola na kumuzuula. Ne ntunulatunula awo wonna, nga tewali ali mabega wange. Ne njogera nti, "Omusajja ali munda w'entimbe ezo awo." Era kwe kwali...ow'oluganda ajja wano ku kkanisa, nga muwanvu, wa kiwalaata nga mulungi ng'omuntu atudde awo bwe watyo. Era nga yali omutwe gwe agukotese, ng'asaba, kubanga yali anaatera okufa n'ekizibu ky'olubuto.

Yali agenda kufuna omugogo gw'engatto. Mukyala we yali ayagala afune omugogo gw'engatto omupya. Omusajja n'ayogera nti, "Nedda, sirina kugufuna, kuba sigenda na kuberawo okuzambala." Yali afa. Ng'atudde awo, mulaba, mu mutendera ogwo, aleruuya, Katonda Yayingirawo buyingizi omwo n'Alyoka agamba nti, "Wuuyo atudde wo," mu ngeri gye yalimu. Mulaba kye ntegeeza?

47 Kaakati Mwekkaanye, tewaliwo nsobi yonna mu Byawandiikibwa. Yesu, Ekigambo kya Katonda, kitegeera ebirowooza ebiri mu mutima. "Ekigambo kya Katonda Ky'amaanyi, kisala," Abaebbulaniya 4:12 "Ekigambo kya Katonda kisala, ky'amaanyi okusinga ekitala kyonna eky'obwogi obubiri, era kyawula ebirowoozo n'okufumiitiriza kw'omu ndowooza." Mulaba? Kigendera ddala okuyingira mu ndowooza, ne kisikayo ne kyawula emyoyo. *Okukebera kye ki?* "Okumanyisa, okubikkula." Era ekyo Ekigambo kya Katonda kye kikola.

Leero tugamba nti, "Eklezia Enkatolika ky'Ekigambo kya Katonda; Ababaputisiti, Abamesodisiti, Abapentekoote, ekkuinjaaniro." Ekyo kikyamu. Ekigambo kwe kubikkulira; Katonda, ng'Abikkuddwa n'Ekigambo.

48 Nedda, twandibadde ne...okufuna okweyongerayo mu by'ekisawo, mu bannassaayansi, ab'enjawulo. Singa Einstein yalina enkozesey'omwoyo, nga bwe yalina enkozesey'omubiri, nga bwe yasoma amateeka g'ekitangaala, na buli kimu, yandibaddeko ky'atugambye. Bwe nnawulira Obubaka buno obukulu ku ntapiro eyo ey'ekitalo awantu awamu mu bwengula, nti, "Bw'okwatagana n'entapiro eyo, oyinza okutonda ensi, n'okukola ekintu kyonna, n'amaanyi gandibadde tegaliiko kkomo." Mulaba? Yali akirabye.

49 Mulaba obusawo buno obwebonga mu bwengula bwe bayita "kibunoomu," na buli kimu. Abantu aba... Ekyo, kale, tukiveeko. "Muwlira abantu bano bonna abajja babulawo?" Mugamba. Temubawuliza abo; bayimiridde awo, ate nga tebaliiwo. Bwe kutyo n'okukwakkulibwa bwe kugenda okuba. Omu kubo ajja kugwa wansi, omubiri guno ogwoku nsi gulyoke gwambale omubiri ogw'omwoyo. Era bajja kuba...omubiri, enviiri, ova amagumba agasigala; gajja kukyusibwa mu kaseera buseera, nga gwesolossa mu bbanga n'okutwala bwe gutyo Eka. Ebyo byonna tubiraba nga bigenda mu maaso kaakano, nga ne-ne Pentagon beewuunya bitangaala bino, ebitangaala eby'ekyama na buli kimu kye balaba mu bwengula. Mwalabye ekimu kye baabadde nakyo mu mawulire wano mu Jeffersonville wiiki eno, n'ebirala, "ekitangaala eky'ekyama." N'olwekyo, oh, tebakimanyi ekyo kye kiri. Naye muwlirize, abaana abato, kigenda kubakimako okubasitula okubambusa olumu ku nnaku zino. Mulaba? Olaba? Temweraliikirira. Mujjukire, Yesu Yagamba nti, "Nga bwe kyali mu nnaku za Sodoma."

50 Kiki ekyabaawo nga nga Sodom tennaba? Katonda Yakka wansi n'abamu ku Bamalayika, era Baalina okunoonyereza olw'omusango. N'Agamba nti, "Mpulidde okukaaba, nti okwonoona kwakyo kungi, kale Nzise wansi okuzuula ova nga ddala bwe kiri ova nedda." Bwe kiri? Weetegereze Oyo omukulu ddala Eyasigala ne Ibulayimu, Yali Asobola okukebera ebirowoozo mu mutima gwa Saala, eyamuli emabega.

Kati, bw'otunulatunula okumala akaseera, ojja kwekkaanya, otunule, olabe kiki kye kikola, ekintu ky'ekimu ne leero. Kunoonyereza olw'omusango. Lwaki, oluvannyuma lw'akaseera, Ekklesia, bw'eba ng'ekyasobola okusigala mu kifo ekyo, nga na buli nsigo erezettedwa mu kifo kyayo, bajja kuba nga bagenze. Tebalimanya kyabatuuseeko. Omu ng'agenda mu kkubo erimu. Mulaba? Omu ng'agenda ku nnyumba y'omusumba, ng'omu agenda erudda *wano*, ova emmanga *eyo*, era, ekisooka kye mulina okumanya, nga tebaliiyo *eyo*. Kuba Enoka oyo nga ye yali ekifaananyi, "Katonda Yamutwala, era ne batamuzuula." Akka wansi okunoonyereza! Okweyongerayo, engeri okukyusibwa kwa Enoka, ekifaananyi kya Isiraeri nga basitulibwa mu ssanduuko...

51 Nga kituukiridde nnyo, Ekigambo kya Katonda kituukiridde nnyo, ka kibe mu Ndagaano Enkadde awamu n'Endagaano Empya, nga bitundu bibiri era ebyenkanankana n'ekiramba kimu. Ekyo bwe kiri. Endagaano Enkadde kitundu kyayo, ate n'Endagaano Empya bw'etyo kitundu kyayo; ng'obitadde awamu, ofuna okubikkulira kwa Yesu Kristo kwonna. Baabo awo bannabbi nga boogera; kati ate Wuuno wano ng'Omuntu; mulabe ebitundu bibiri ebyenkanankana n'ekiramba ekimu. Kale, tetwagala kutwala bingi

nnyo...

52 Kaakati mujjukire, Endagaano Enkadde tetuukirira awatali Mpya. So n'Empya tesobola kutuukirira nga tewali Nkadde. Eyo y'ensonga enjogezza ebitundu bibiri n'ekiramba ekimu. Kuba, bannabbi baagamba nti, "Ajja kuba wano! Ajja kuba wano! Ajja kuba wano; bajja kumukola *kino*. Bajja kumukola *kino!*" era Wuuno wano, "Yali wano! Yali wano, era *kino* ne bakimukola Ye, ne *kino* ne bakimukola." Nnaakabuulira ku ekyo ebiro si bingi ebiyise.

53 Kaakati, okusobola okuyiga Ebyawandiikibwa, Pawulo yagamba Timoseewo nti, "Fubanga okuyiga, ng'ogabanya bulungi Ekigambo kya Katonda, ekyo nga ge Mazima." Ebyo by'ebi'essimba ebisatu mu Byawandiikibwa. Mu kukozesa Ekigambo kya Katonda, waliwo ebintu bisatu by'otateekeddwa kukola. Kaakati ka tuyige ku ebyo mu ddakiika eziddako ekkumi; ebintu ebisatu by'otateekeddwa kukola. Era nga byonna biri mu ggwanga, wonna w'oli, mu ggwanga wonna, kakasa bino okubiteeka mu ndowooza yo bw'oba nga tolina kkalaamu. Ebintu bino toteekeddwa kubikola. Tubabuulira buli kiseera nga bwe muteekeddwa okukolamu, kaakano njenda kubabuulira bye mutateekeddwa kukola.

Kaakati, temuteekeddwa *kuvvuunula* Kigambo mu bukyamu. Ogamba nti, "Kale, nzikiriza kitegeesa *kino*." Kitegeesa ekyo kyennyni kye kigamba. Tekyetaaga muvvuunuzi. Ate era Ekigambo temuteekeddwa *kukiteeka mu kifo ekikyamu*. Era Ekigambo temuteekeddwa *kukiggya mu kifo kyakyo*. Era bwe katutanda ne tukola ekimu ku bino, olwo Baibuli yonna kigisuula mu kutabulwatabulwa n'akavuyo .

54 Mwekkaanye. Okuvvuunula obubi Yesu mu kikula kya Katonda mu muntu. Osobola okumufuula Katonda omu mu basatu. Okuvvuunula obukyamu Yesu Kristo okuba nga ye Kigambo, musobola okumufuula Katonda omu mu basatu, oba musobola n'okumufuula Omuntu ow'okubiri mu Bulamba bwa Katonda. Era okukikola ekyo, Ekyawandiikibwa kyonna musobola okitaataaganya kyonna. Temulibaako we mutuuka. N'olwekyo tekiteekeddwa kuvvuunulwa bubi.

Era bw'obaako ekintu ekimu ky'oyogera, n'omala n'okiteekako okuvvuunula, ate n'omala n'okikozesa omulundi omulala; oba nga kikozeseddwako omulundi omulala; naawe oba okoze okuvvuunula okutali kutuufu.

55 Omuntu yenna bw'avvuunula obubi Yesu mu Baibuli, Ye obutaba Katonda Mwennyini, n'omufuula Omuntu ow'okubiri, oba Katonda omu mu basatu, kino kisulika buli Kigambo kyonna mu Baibuli. Kyandimenye ekiragiro ekisooka nti, "Tobanga na bakatonda balala we ndi." Kirungi. Kyandifudde olulyo Iwonna olw'Abakristaayo okuba ekibinja ky'abakafiiri abasinza nga basinza bakatonda abasatu ab'enjawulo. Mulaba ekika kya Baibuli gye mwandibadde nayo. Olwo kyandibadde kitufuulira ddala ekyo Abayudaaya kye bagamba kye tuli. Nga babuuza nti, "Ku abo ani Katonda wammwe? Mulaba? N'olwekyo, mulaba, nga temusobola...Temuteekeddwa kuvvuunula bubi Baibuli.

Kuba, Yesu Mwennyini ye kuvvuunula kwa Baibuli, bw'Alabisibwa mu mulembe, ng'ekitundu ku Mubiri Gwe kirabisiddwa. Bwe guba omulembe gw'omukono, guteekwa kusigala nga mukono; tegusobola kuba mulembe gwa mutwe. Bwe guba omulembe gw'eddobozi, kale, olwo, tegusobola kuba mulembe gwa kigere. Mulaba? Era kaakano nga tuli mu mulembe gwa liiso. Kati olwo nga ekiddako, Ye Mwennyini, okuja. Okulaba; kya bunnabbi!

56 Mulaba, okuyitira ddala mu mulembe, twatandikira ddala eyo ku musingi, okuva ku mulembe gw'ekkanisa embereberye; ensigo bwe yagwa mu ttaka, Ensigo etuukiridde. N'eryoka evaayo mu kigere, Luther; olwo n'efulumira mu Wesley; olwo ate n'eyingira mu Pentekoote; ennimi n'emimwa, mulaba; kaakano eri mu maaso, obunnabbi obwa Malaki 4 n'ebirala. Era kaakati tewali kisigalidde kirala kujja okuggyako Ye Mwene okukiyingira mu ekyo, kuba ekyo ky'ekintu ekisemberayo ddala ekirivo.

Ekkidako ge magezi, naffe Tetulina magezi gaffe ku bwaffe; Gage Ye. Tetulina kulaba kwaffe ku bwaffe. Omuntu obuntu asobola atya okulaba ebintu ebyo? Tasobola kukikola. Ye Katonda Mwene. Laba, ki-kituuka we kiteekeddwa okuba. Era Abaddenga Afuga omubiri okuvira ddala eyo, olwo Omubiri omujjuvu ogwa Kristo gubikkuddwa mu kikula ky'Omugole oyo eyaggyibwa mu mbiriizi Ze, nga Adamu bwe yakola mu ntandikwa...Ng'owa Adamu bwe yali, manyanga ku lubereberye.

57 Yee, "katonda," kino kisobola okuteeka Baibuli mu kutabulwatabulwa, ne kimenya ekiragiro ekisooka, ne kifuula katonda, katonda omukaafiiri ow'abasatu. Kisobola n'okwonoona ekifaananyi kya Baibuli kyonna. N'olwekyo temuteekeddwa kuvvuunula bubi Baibuli. Kati, kiri kimu kyokka.

Awo, nga buli Kyawandiikibwa kyonna mu Baibuli kirina enkola y'emu, oba olina okukissa mu kifo Kyakyo. Okukiteeka mu kifo ekitali kyakyo, oyinza okufuula Katonda okuba Katonda ow'omulembe ogumu, ate-ate olwo mu mulembe oguddako n'omufuula ekyafaayo, ne Kibula. N'olwekyo temuteekwa kubuza kyawandiikibwa. Ye Katonda, ekiseera kyonna. Leero bw'Omufuula Katonda w'ebayaayo, nga kye Yali emabega eyo ebussukka; nga si ky'Ali ne leero, olwo Abaabbulaniya 13:8 ogenda kukikola otya? Mulaba? "Abeera bumu jjo, leero n'emirembe gyonna."

Kale, laba kiki kino kye kyandifuuse, na kiki kye kikoze. Kimaze okukikola, okumuleetera okwegaana

Ekigambo Kye Ye, okubuza Ebyawandiikibwa.

58 Okuggya Ebyawandiikibwa mu kifo ky'abyo ekituufu, oyinza n'okuteeka Omubiri Gwe awakyamu, n'oteeka ekigere awandibadde omutwe oba ekintu bwe kityo. Ekintu ky'ekimu nga...Ekitegeeza, kisoboka nga Yesu Ayigiriza Obubaka bwa Musa. Musobola okuba nga...oba ne Wesley ng'ayigiriza eby'omulembe gwa Luther. Muyinza okuba nga kati, ku mulembe gwaffe nga tuyigiriza bya Pentekoote, obubaka bwa Pentekoote. Mulaba akavuyo akayinza okubeerawo? Pentekoote emaze okulaga langi zaayo entuufu. Ne Luther alaze ezize, n'awunzikira mu kibiina ky'eddiini. Awo wennyini we kyafiira; omulembe ne gugwa ne gubula.

Mwekkaanye, amangu ddala nga bamaze okwekolamu ekibiina, ne bafa. Kale, Kebera olabe oba nga ddala ekyo si bwe kiri. Kebera mu miko gy'ebayaayo. Buli kiseera bwe gwekolangamu ekibiina, gwafifira awo wennyini; ng'olwo tewakyaliwo kiramu mu gwo yadde. Nga kifuuka omulembe ogusinza katonda w'ensi eno, olwo ne guyingira munda mu bitundu n'ebibiina, n'ebibiina by'eddiini, n'okukyamuukirira. Obukundi bw'abenyiigootola nga baguyingiramu awo, olwo ne bateekamu ebigendererwa byabwe oba okuteekamu ebirowoozo byabwe bo, manyanga, mu gwo. Kale, kiki ekyabaawo? Ne kifuuka akavuyo. Nga gwolekera okugenda mu katonda w'ensi eno, awo we banaatuuliza Setaani ye kennyni ku ntebe, nga balowooza nti balina omukulembeze w'ensi ow'ekitalo agenda okubawa emirembe.

59 Nnabagamba olunaku Iwa luli, nja kukyogera nate, nti n'obugunjufu bwennyini nabwo bukontanira ddala ne Katonda. Obugunjufu bukontana ne Katonda. Bwo obuyigirize buli mmayiro akakadde kalamba okuva W'Ali; Ssaayansi naye ali mmayiro kakadde. Ssaayansi n'obuyigirize bigezaako okujungulula Katonda, mulabire mu masomero agasomesa eby'eddiini n'ebisenge bya Ssaayansi n'ebirala Bifunye okunyeenyezebwa kwabwe.

Olwo ate okwolesebwa kw'ekiro kya luli kuli kutya, eky'omusajja bwe yaleekaanira bannassaayansi abo emmanga eyo bwe baali bayiwamu ebintu ebyo batyo? Baakyuka bukyusi ne batunula, ne beegendera mu maaso. Wagenda kubaayo oluvuga olulala lumu.

60 Mwetegereze, oh, eby'essimba bino ebisatu biteekeddwa okubaawo.. kaakati, tosobola...Yesu Teyajja ng'Abuuilira Bubaka bwa Nuuwa. Teyajja ng'Abuuilira bubaka bwa Musa. Oba, Musa okujja ng'abuulira... Mulabe, temussa Byawandiikibwa mu bifo bikyamu. Kirina kuba mu kiseera. Kaakati, tosobola kussaawo..Omusajja oyo ow'ekitalo John Wesley, bwe yavaayo, oba...Omusajja ow'ekitalo Luther, Luther bwe Yavaayo n'obubaka bwe obw'okuggyibwako omusango. Kale ekyo bwe kiba nga kyali...Luther yali musajja wa kitalo. Yayitayo ekkansa okuva mu kizikiza, era n'asimba okuggyibwako omusango n'okukkiriza. Bwe yakikola, ku ngulu ku kyo baazimbako ekibiina ky'eddiini, olwo ne kifa. Obulamu bwatambula, nga bwe kiri ddala mu kikolo ky'enjano, okutuukira ddala mu mulembe gwa Wesley, okutuuka mu luyange. Okuva ku Luther wajjavo ebikoola ebirala, ebyafa awamu nakyo, ng'oyo yali Zwingli ne Calvin ne bona abaava mu kuddabululwa okwo okw'ekitalo.

61 Olwo ne wajja Wesley, omulembe omulala gwali gubbleukuse okuva mu luyange. Wesley, ne Atterbury n'abo bona, ne-ne John awamu ne muganda we n'abo bona, abasajja ba Katonda ab'ekitalo nga balina obubaka, obwayera obwezi mu ggwanga. Baabukolamu ekibiina; ne bufa. Mu kuaayo kwakyo Kyalabika ng'ekigenda okuvaamu ensigo kaakano, okujja okuzuula nga kisusunku, Pentekoote. Wabula emagbega waakyo kyonna, wajja akatunsi.

Era bw'oneetegereza, bulijjo...Ndowooza, mu myaka esatu oba ena oluvannyuma Iwa Luther ng'ali mu kisaawe ky'enjiri, nti ekkansa y'Abaluther yekolamu ekibiina. Akaseera katono oluvannyuma Iwa Wesley bwe yali mu kisaawe ky'enjiri, amangu ddala yekolamu ekibiina.

62 Tucson, tufunye ku pulogulaamu ku ngeri ekkansa ya Wesley, oba ey'Abamesodisiti, gye byajjamu okubeerawo. Era bwe bajja wano mu America, abasinga obungi ku bo baali bakomyewo ne bagamba nti baali batadde omukono ku kiwandiiko n'ebirala, okuva eyo mu Bungereza, bo okukireeta wano n'engeri gye kyali kizannyiddwamu mpozzi nti katemba. Ne ndabirawo wennyini ekyabaawo. Awo ekkansa n'efa.

Kale, okuva omwo wajja Pentekoote, abakubi b'embeekuulo mu nnaku nnyingi eziyise, baafuna ekirabo eky'okwogera mu nnimi, era ne batandikirawo okwogera mu nnimi. Ne balyoka bakituumma mbu, "obukakafu obw'Omwoyo Omutukuvu." Olwo ne beekolamu ekibiina. Omu n'agamba nti agenda kukola *kino* n'omulala ekyo. Ne baba n'emitaawaana ku mitawaana. Kyakola ki? Buli kimu ku byo kyasigala kyeyanjuluzza, nga bwe kyakolera ddala ku kikolo ne ku luyange. Baafuna ab'Obumu, ab'Obubiri, ab'Obusatu, n'aba church of God, na bano bona abalala; nga beeyanjuluzza, beeyanjuluza, beeyanjuluzza. Naye kaakati, okusinziira ku butonde, nga ky'ekyokulabirako ekituukiridde, tolina ky'oli okusobola okukibasomesa okibaggyemu.

63 Famire, ya mikwano gyange emmanga mu Kentucky, olunaku Iwa luli baafuna omwana eyazaalibwa, ne maama yali ngulu bwe baali batufumbira ekijjulo. Nga yali ayambako mwannyinaffe oli okufumba ekijjulo eky'akabinja k'abasajja ku ffe abaali babadde mu kuyigga ebweru. N'olwekyo omwana n'atandika okukaaba, ng'ate ndi mu kwogera. Kye ndowooza maama yawuliramu kko bubi, kye yava adduka n'akima

omwana, era-era n'atandika n'okumuliisa. Ne njogera nti, "Mumanyi, obutonde bwe butyo b;we buli." Mulaba? Kaakati, tosobola...

Tebazuulangayo ngeri esingayo bulungi, omwana gy'ayinza okuyitamu okusaba ky'ayagala okuleka okukaaba. Kati musobola okiggyirayo n'ebitabo by'empisa, n'otuula na wano n'ogamba nti, "Mutabani njagala okukuyigiriza amagezi g'ebreddiini. Kaakati, togendanga wano ng'okaaba ng'abaana abalala; ggwe oli wa njawulo. Kale, bw'oyagalanga okulya, okubanga akade kano wano." Ekyo tekisobola kukola. Nedda, tekisobola kukola.

64 N'olwekyo, bwe mwetegereza obutonde, olwo tusobola okulaba wa buli mulemba era nga naffe twategekebwa okuba nga tuli mulemba ogusembayo. Ekisusunku kimaze okuvaako. Kati tumazeeku emyaka kkumi n'etaano, kumpi abiri kaakano, emyaka, eg'y'Obubaka nga bwera wonna ggwanga ku ggwanga, nga n'enky ya leero nga waliwo abayungiddwa mu ggwanga lino lyonna, mulaba, tewali kibiina. Tebusobola kukola kibiina. Tewabangawo kyali kibadde nga bwo era tewaliba oluvannyuma lwa buno. Mulaba?

Ekiriwo n'Obubaka leero, kiri, abo ababufuna mu mitima gyabwe bateekeddwa okubeera mu Kubeerawo kw'Omwana, okusobola okwengera. Mulaba? Osobola okulondawo Obubaka, olwo n'olyoka oleka Omwana okukuggyamu obutamanya bwonna mu ggwe, mulabeeyo, ng'Abafula Abakristaayo abakuze. Mulaba kye ntegeeza? Katonda Ajja mangu, okwefunira Ekkanisa Ye, era tuteekeddwa okumufunira Abakristaayo abafaanana bwe batyo okumusembeza. E-ejjanjo erina okwengera. Kirungi.

65 Eby'essimba bino ebisatu biteekeddwa Okubeerawo. Tetuteekwa kuvvuunula mu bukyamu, oba okukikwata mu bukyamu, okukivvuunula mu bukyamu oba okuki...oba okukiggya mu kifo kyakyo ekituufu. Kiteekeddwa kukuumbwa ddala mu ngeri Katonda gye Yakyogeramu nga bwe kyali. Eri ensi Kitabo kya byama. Abantu bakkiriza nga kyo Kitabo kya byama. Olumu nnali njogera n'omusajja ow'ettuttumu wano mu kibuga, awaniridde ennyo Obukristaayo, n'agamba nti, "Nnagezaako okusoma Ekitabo ky'Okubikkulirwa ekiro ekimu." N'agamba nti, "Yokaana atekwa okuba nga yafuna entegeso ennene awamu n'ekirooto eky'entiisa." Mulaba, Kitabo kya kyama.

66 Naye, eri omukkiriza omutuuufu, kwe kubikkulirwa okwa Katonda ng'Abikkuliddwa mu mulemba gwe tulimu. Yagamba nti, "Ebigambo byange gwe Mwoyo bwe Bulamu." Yesu Yeyayogera bw'atyo. Ate era, "Ekigambo Nsigi omusizi gye yasiga." Tukimanyi nga kituufu ekyo. Ye Katonda mu kikula eky'Ekigambo, era Ye Mwene y'Asobola okukivvuunula. Endowooza y'omuntu tesobola kuvvuunula ndowooza ya Katonda. Endowooza entono eriko ekkomo eyinza etya okuvvuunula Endowooza etaliiko kkomo, bwe tuba nga tetusobola na kuvvuunula ndowooza ya mulala?

Era mwetegereze, ye Yekka Asobola okukivvuunula, era ng'Akivvuunula eri oyo gw'Ayagala okukivvuunulira. Tekyagamba nti, "Abaafa ab'edda, nga bwe baatambula ku nsi yonna mu bitundu ebingi ne mu ngeri ennyingi." Katonda mu bitundu ebingi ne mu ngeri ennyingi Yeebikkula eri bannabbi." Mulaba?

67 Era, mwekkaanye, "gw'Anaakibikkulira." Era Yakiwunda okutuuka okuba nti Asobola okwekwaka mu Kyawandiikibwa, eri abagezigezi b'ebreddiini abaliwo. Oh, abange! Asobolera ddala okwekwaka Mwennyini, ng'Ali ddala awo mu Kyawandiikibwa, naawe n'otunula olunaku lwonna naye n'atakiraba; ne bwe buba obulamu bwonna bw'amala n'atakirabako na kukiraba. Asobola okwekwaka Ye Mwene, ng'Atudde awo.

Kaakati, bambi, buli wamu, leka ekyo kinnyikire munda. Nti, Katonda, mu Kigambo, Asobola okwekwaka Mwennyini mu Kigambo, era tewaliwo w'amagezi ga bya ddiini oba essomero mu nsi erisobola okumuza Ye, kyokka ate ng'Atuulidde ddala awo. Mugamba nti, "Ekyo bwe kiri, ow'Oluganda Branham?"

Kiri kitya eri Abafalisaayo n'Abassaddukaayo? Kibaddenga kitya mu buli mulemba? Akikozenga. Mazima ddala. Bw'Akozenga mu buli mulemba. Ekyo kati tusobola n'okukikebera. Ka tulowooze ku nnaku za Nuuwa; omulemba omugezigezi, ogw'abayivu, engeri gye Yeekwekamu mu Kigambo Kye ekisuubize. Mu nnaku za Musa, engeri gye Yeekwekamu. Mu nnaku za Eriya, engeri gye Yeekwekamu. Mu nnaku za Yesu, engeri gye Yeekwekamu. "Yali mu nsi, n'ensi Yakolebwa Ye, n'ensi teyamutegeera. Yajja mu Babe; Ababe tebaamusembeza." Mulaba?

68 Yeekweka Ye Mwennyini okuva eri abagezigezi, abayivu abaali babadde ku nsi. Mugamba nti, "Kale, ono ye Dokita. Ffaaza omutukuvu gundi." Sifaayo oba ani; Katonda Amwekwaka; era Ajja kukibikkulira abaana abato abo abanaayiga, mulabeeyo, abaana abato aba Katonda, ensigo eyateekerwateekerwa.

Mulowoozeemu. Katonda ow'Amaanyi, ng'Atudde mu Bigambo Bye byennyini, ng'Aziba abagezigezi amaaso, abayivu ab'omulemba guno era nga tebakiraba. Balowooza nti kakundi ka buzoole. Mumutunuulire Ye ng'Ayimiridde awo nga Yeekwese, eri Abapentekoote, Ababaputisiti, Abamesodisiti, Abapulesibeteriyani. Nga bwe Yeebikkula Ye Mwene mu Iwatu, ng'Alaga buli kika kya buli kintu, ng'Akiteeka ne mu mpapula n'ebintu ng'ebyo, kyokka ate nga tebakiraba. Oh, Katonda waffe, nga mukulu, nga Yeebikula eri oyo yenna gw'Ayagala.

"Oh," mugamba nti, "ow'Oluganda Jones oba ow'oluganda gundi, musajja wa kitalo. Ajja kukiraba." Oh, nedda. Akibikkulira oyo gy'Agala. Ogamba nti, "Mukyala wange ye takiraba, ate nga mukazi Mukristaaayo." Yeebikkula Ye Mwene eri oyo gw'Agala. "Kale, omusumba wange musajja w'amaanyi" Ekyo kituufu, wabula Yeebikkula Ye Mwene eri oyo gw'Agala. Kaakati, kikebere n'ekyo ekibikkuddwa, n'eri ekyo ekiri mu kutuukawo, olwo ojja kusobola...osobola okutegeera.

69 Kaakati olwo bwe twetegereza, kikifuula Ekitabo kya Katonda obutaba kitabo kya muntu. Singa kyali kya muntu...ka tulabe engeri gye kyandyerazeemu. Mulabeeyo engeri gye kyanikamu ekibi ky'abantu abaakiwandiika, mwekkaanye, abantu abaali mu lunaku Iwakyo. Okugeza Ibulayimu, ayitibwa "Kitaawe w'abeeesigwa." Mwekkaanye engeri ekyo...Mulowooza Ibulayimu yandiwandiise Ekitabo kino ku lulwe, ku mbeera ze ez'obutiitiizi? Mulowooza yandikiwandise atya nga yalimba kabaka amakya ago, n'agamba nti yali mwannyina, ng'ate ddala yali mukazi we? Yadyewandiseeko ebikolwa eby'obutiitiizi bye yakola? Mazima ddala, teyandikoze ekyo.

Ate kiri kitya eri Yakobo mu bulimba bwe? Engeri Yakobo gye yalimu omulimba omuto. Omusajja Omwebbulaniya nga mu oyo Isiraeri yenna yali ayitiddwa, yandyenjanze okuwandiika obulimba bwa kitaawe yennyini w'amawanga gonna? Mu Yakobo, mwe mwava abakulu bonna; mu bakulu, mwe mwava amawanga. Nga n'omusingi gwa byonna nga Baibuli emwanika ng'omulimba. Si bwe kiri? Mulowooza omuntu yandibiwandiise ebyo? Nedda, ssebo.

70 Watya ate omuntu okuwandiika ku kabaka ow'ekitalo gwe baali babadde naye wano ku nsi, nga kabaka atikkiddwa; Dawudi mu bwenzi bwe yakola? Abayudaaya abo bandisobodde okuwandiika ku kabaka waabwe ow'ekitibwa ng'omwenzi? Oh, tulina ebyafaayo nga, ebya "George Washington ataalimbako," n'ebintu ng'ebyo. Tugamba, ebyo tubiyita byafaayo.

Wabula ono ye musajja, Baibuli gw'eyogerako Dawudi "omwenzi," ate nga ddala yali. Kabaka wa Isiraeri, omwenzi oyo eyali ow'okuba omwana ow'obulenzi...Yesu okuba Omwana wa Dawudi. Ejinja ery'oku ku mutwe lyennyini; ne kitaawe, okusinziira ku mubiri, naye yali mwenzi. Abayudaaya tebaandisobodde kuwandiika Kitabo ekifaanana kityo. Omuntu yandyewandiseeko yekka. Mazima nedda.

71 Ekyo Isiraeri yandikyeniyumirizzaamu etya? Mumanyi n'egeri gye baali beenyumiizaamu. Eggwanga lya Isiraeri ery'okwenyumiiza, ne bagenda ne bawandiika ku kusinza kwabwe okw'ebifaananyi, baawandiika ku kujeema kwabwe eri Katonda waabwe, ne bawandiika ku bukyafu, ebintu eby'obugwagwa bye baakola, ne bamala ne babiwandiika mu kitabo? Mazima ddala bandibadde bakikwese ekyo. Bandiraze bintu birungi. Wabula Baibuli eno y'ekubuulira ekituufu n'ekyo ekikyamu. Bw'eri, buli omu ekyo akimanyi nga Abayudaaya tebaandisobodde kuwandiika Kitabo ng'ekyo, ku butali bulongoofu bwabwe bo, n'okusinza ebifaananyi kwabwe bo, n'okulemererwa kwabwe, na buli kimu kye baalina. Ekyo tebaandikiwandiise. Oh, nedda.

Olwo, Ani yakiwandiika? Baibuli egamba mu Abaebbulaniya 1:1 nti, Katonda edda mu bitundu ebingi ne mu ngeri ennyingi yayogera eri bajjajjaffe okuyita mu bannabbi." Olwo, tebaali bannabbi, tebaali abo abafa. "Katonda!" So si "Bannabbi mu bitndu ebingi." Naye "Katonda edda mu bitundu ebingi, ne mu ngeri ennyingi yayogera eri bajjajjaffe okuyita mu bannabbi." Nnina Ekyawandiikibwa kye nnawandiise wano. Simanyi kiki kye kiri; sisobola kukijulizaako. Bulijjo, ebintu bino bwe mbijulizaako, mba ntunuulira Ekyawandiikibwa. Nnjenda kukyetegerezaako okumala eddakiika, bwe munanjumiikiriza. Kiri Timoseewo eky'okubiri 3:16 Nze-Nze-Nnalowoozezza ekyo nja kukijukira, naye munsonyiwe. Nja kuyimirirako akadakiika ndabe kiki kye kiri.

72 "Katonda, edda mu bitundu ebingi ne mu ngeri ennyingi yayogera eri bajjajjaffe okuyita mu bannabbi." Kaakano Timoseewo eky'Okubiri 3, 3:16. Leka tulabe kye kigamba mu 3:16

Buli Ekyawandiikibwa (weewaawo) kirina okuluñjamya kwa (Bannabbi? Nedda.)... okuluñjamya kwa (kiki?) Katonda era kigasa olw'Okuyigirizanga, olw'okunenyanga, olw'okutereezanga, olw'okubuulira okuli mu butuukirivu:

Omuntu wa Katonda alemenga okubulwa ekintu kyonna, ng'alina ddala byonna, olwa buli mulimu omulungi.

Kale, olwo, Ebyawandiikibwa byonna Byawandiikibwa na kulunjajamizibwa. Yesu, wano ku nsi, yagamba ng'eggulu n'ensi byali byakuggwaawo, naye Ekigambo Kye nga tekisobola. Yagamba Ebyawandiikibwa byonna biteekeddwa okutuukirira. Kale, n'olwekyo Ekitabo si kitabo kya buwandiike bwa muntu. Bitabo eby'obuwandiike bwa Katonda.

73 Kaakati, tumanyi nga Katonda Yalonda Ekkanisa Ye na kuteekerwateekerwa, ekifo Kye, bannabbi Be, na byonna ebikikwatako. Olw'okumanya okw'edda, Yateekerateekera nnabbi We. Omulembe bwe gwatuukanga, nga nnabbi We atuuka mu kiseera ekyo ky'ekimu, n'alyoka Amufukako okulunjajamizibwa okumukozesa okuwandiika Baibuli. Kaakati, Katonda Yawandiika Baibuli ng'Akozesza bannabbi bokka, kubanga eyo y'engeri Ye ey'okukikolamu. N'olwekyo, mulabe, nga si kigambo...Kale, mulabe ,ky'Ekgambo

kya Katonda, si kigambo kya muntu.

74 Katonda Muntu. Katonda Asobola okwogera. Katonda Asobola okunyumya. Katonda Asobola okuwandiika. Teyalina kukikola mu ngeri eyo, wabula eyo y'engeri gye Yalonda okukikolamu. Teyalina kukikola bw'Atyo, wabula Yalondawo kukikola bw'Atyo. Kati muli ogamba nti, "Katonda Yawandiika amateeka n'engalo Ye, engalo Ye ey'Obukulu waggulu. Ekitengeeza Katonda Yali Asobola okuwandiika, Ye Mwene, singa Yayagala." Mulaba? Wabula Yalondawo okuwandiika ng'Ayita mu bannabbi. Mulaba. Kubanga kye kyali ekikula Kye, Ekigambo Kye Yeeyolekera mu bo, ng'Akola ekitundu, oba ekitundu ku Ye. Mulaba? Ng'Asobola okuwandiika n'engalo Ye. Era Yakozesa engalo Ye n'Awandiika ku kisenge ky'e Babbulooni nti, "Opimiddwa ku minzaani n'osangibwa ng'obulako." Yawandiika n'engalo Ye.

75 Katonda Asobola okunyumya. Mukkiriza nti Katonda Asobola okunyumya. Yanyumya ne Musa ku lusozi mu kisaka ekyaka. Mukikkiriza ekyo? Yee, ssebo. Yanyumya ne Yokaana mu ngeri ey'ejiba (Mukikkiriza ekyo?) nti, "Ono ye Mwana Wange omwagalwa gwe nsanyukira okutuulamu." Yayogera naye. Yayogera ne Yesu ku Lusozi olw'Okufuuusibwa, mu maaso ga Peetero, Yokaana, ne Yakobo. Asobola okunyumya. Ye si kasiru. Katonda Asobola okwogera kye yava Ayogera ne Yesu ku Lusozi olw'Okufuuusibwa. Era n'ayogera ne Yesu mu maaso g'ekibiina ky'abantu bona; abantu bwe baayogera nti, "Kubadde kubwatuka, naye nga Yali Katonda ng'Ayogera ne Yesu. Kumpi Matayo yenna, Makko, Lukka ne Yokaana, yali Yesu ng'Ayogera. Ye Katonda. N'olwekyo, Katonda Asobola okunyumya.

76 Olumu n'engalo Ye Mwene Yawandiika ku ttaka. Yayogera, n'Abuulira, Yalagula, n'emimwa Gye Mwene, Katonda Yakikola, bwe Yafuuka omubiri n'abeerako gye tuli, "Katonda ng'Alabisiddwa mu mubiri." Bw'Aba Asobola okuwandiika, okwogera, tasobola kubuulira balala kyakukola? Mazima ddala Asobola. Asobola okwogerako gye bali, mu ddoboozi ly'obuntu. Asobola okuwandiika okubalaga eky'okukola. Akikozenga.

Kale, "Katonda, edda mu bitundu ebingi ne mu ngeri ennyingi, yayogera ne bajajjaffe okuyita mu bannabbi." Era n'Agamba, ku Luwandiika luno nti, "Wadde ennukuta emu oba akatonnyeze tekaliggwaawo okutuusa bino lwe birituukirira," era olwo nga kirabisiddwa; awo kirituukirira kubanga kirabisiddwa. Tekisobola kutuukirira, okutuusa ng'Ekigambo kyennyini kyambadde omubiri. Ennukuta kitegeeza "ekigambo ekitono." Akatonnyeze kitegeeza "akabonero akatono." So si na kabonero yadde akatono, enjogera emu, ekintu kyonna, ekiriremererwa mu Kigambo kya Katonda. Tekisobola kulemererwa, kubanga kyo ye Katonda, nga Katonda Alabisiddwa mu kikula eky'omubiri gw'omuntu. Kubanga, ye Katonda Mwennyini mu kikula ky'ennukuta, mu kikula kya nnabbi, ng'Agalabisiddwa mu mubiri.

77 Kaakati, y'eyo ensonga Yesu yagamba nti, "Abo abaayogerako gye muli, mwabayita 'bakatonda,' abo abaayogerako gye muli olw'Ekigambo kya Katonda," nti, "era baali batonda." Bannabbi abo bwe baafukibwako amafuta n'Omwoyo wa Katonda, ne baleetera ddala Ekigambo kya Katonda, olwo baali bakatonda. Kyali Kigambo kya Katonda nga kye kiboogereramu. Era basobola... Bavvuunulanga nga Nnannyini bwe Yayinzanga okubakkiriza bo okuvvuunula. Kaakati ekyo bw'oba oyagala okukizuala, ye Peetero eky'Okubiri 1:20 ne 21. Bwe kiri. Kuba kino, Katonda we..."Tewaliwo kuvvuunula kwa kyama." Ye Yeekolera okuvvuunula Kwe. Katonda Ayogera era ne Yeekolera okuvvuunula, Mwennyini, olwo n'Akibikkulira buli gw'Ayagala, ng'Akikwese abalala bona. Talina kukibikkulira muntu yenna okutuusa ng'Ayagala okukikola. Era Tayinza...Ye, Ekintu Kye kyonna Akyolese mu Byawandiikiba, n'olwekyo ekintu kyonna kimaze okumanyisibwa; kiri awo nga Ye Atudde awo Akitunuulira nga kituukirira. Mulaba? Nedda. Ali mu kulaba omubiri nga gukolebwa nga bwe gukomawo ku, ku kikula, okufuuka Omugole nate. Bwe kiri.

78 Abakkiriza bakikkiriza, era nga Ibulayimu bwe yayita ebintu ebyali bikontana Nakyo ng'ebitaliiwo. Nakyo kyennyini, Ekigambo kino, kyawula ebyama by'omutima, Abaebbulaniya 4:12. "Kyawula ebyama eby'omutima.

79 Bannabbi tebaategeranga bye baabanga baawandiika oba bye baagambanga, bwe kitaba kityo tebandibyogedde, singa baasobolanga okubitegeera. Mulaba? Wabula Baibuli egambye nti, Baavugibwanga Omwoyo Omutukuvu." Okuvugibwa! Omwoyo Omutukuvu bw'Akuvuga, otambula. Omuntu..."Katonda, edda mu bitundu ebingi ne mu ngeri ennyingi, Yayogeranga eri bannabbi abo abaavugibwanga Omwoyo Omutukuvu." Eyo y'ensonga Iwaki, emirembe gyonna, abantu abaali ab'Omwoyo beebuzanga ku bannabbi, ku biseera na kiki ekyalinga eky'okubaawo.

Nnabbi-awandiika ateekeddwa okuba mu kussa ekimu ne Nnannyini buli kaseera. Mulaba? Ateekeddwa okubeera mu Kubeerawo kwa Nnannyini buli kiseera, okumanyira ddala kiki Ekitabo kye kigenda okuba. Mulaba? Nnabbi-awandiika, yalinanga ekkalamu eri obulindaala buli kiseera, ng'ali mu kussa ekimu ne Nnannyini buli kaseera, ng'Oyo ye yali Katonda, okuwandiika buli kye Yamugambanga okuwandiika. Mulaba? Kyalaganga ekika ky'obulamu bwe yalinga ateekeddwa...obulamu obweyawudde okuva ku bwa baganda be bona.

80 Kati, eyo y'ensonga Iwaki endowooza ya Nnabbi yabanga agitadde ku Katonda kye Yayogera buli kaseera; si omuntu bye yallowoozanga, si omulembe bye gwalowoozanga, ekkanisa bye yallowoozanga, obwakabaka bwe bwallowoozanga. Wabula Katonda bye Yallowoozanga! Yayolekanga birowoozo bya

Katonda mu Kigambo; kubanga Ekigambo ky'ekirowoozo nga kirabisiddwa. Mukifunye kaakano? Ekigambo ky'ekirowoozo ekirabisiddwa. N'olwekyo nnabbi yalindanga ebirowoozo bya Katonda. Awo Katonda bwe Yabimubikkuliranga ebirowoozo Bye, yabyolekanga mu Kigambo nti, "BW'ATI BW'AYOGERA MUKAMA." Mulaba, so si nti, "Bw'atyo bw'ayogera Nze, nnabbi." "BW'ATI BW'AYOGERA MUKAMA!" Mulaba? Bwe kiri.

Y'ensonga Iwaki baakolanga baajeemeranga obwakabaka n'emirembe gy'ekkanisa, ekyo, nga okukola ekifaanana kityo mu nnaku zaabwe ekibonerezo kwalinga kufa. Ng'okwolekeza kabaka obwanga okumugamba nti, "BW'ATI BW'AYOGERA MUKAMA, kino bwe kiti ne bwe kiti kigenda kubeerawo," ng'omutwe gwo bayinza n'okugutemako. Ekkanisa ng'esobola okukutta amangu ago olw'okukikola. Naye bannabbi bano balinga bavumu. Lwaki? Baavugibwanga Omwoyo Omutukuvu, mulaba, era, bo, y'ensonga Iwaki baafuuukanga bavumu. Ne bawandiika Ekigambo kya Katonda ekitawakanyizibwa.

81 Waalingawo n'abalala bangi abaagezangako okugeegeenya bannabbi, nga bakabona, n'abalala. Baakola ki? Baabyoonoona byonna, ky'ekyo kyokka. Nga tebasobola kukikola. Kuba, Katonda Yabanga Alonze omusajja ow'omulembe, n'Obubaka bulondedduwa, n'ekika ky'omuntu, na buli ekinaabeerawo mu mulembe ogwo, ekyali eky'okukolebwa, n'engeri ey'okukikolamu. Olw'obutonde bw'omuntu oyo, ng'Asobola okuziba amaaso g'abalala. Nga n'ebigambo omuntu oyo by'ayinza okwogera, engeri gye yeeyisangamu, nga biziba abalala amaaso, ate ag'abalala ne gazibuka. Mulaba? Ng'Ayambaza omusajja ekyambalo nga bwe yalinga, mu butonde, ebigendererwa n'engeri yonna gye yalinanga okubaamu, ng'alondedduwa bulungi ddala olw'ekika ky'abantu ab'o'mulembe be yayizanga okuyitayo olw'omulembe ogwo ogumu.

Abalala nga bwe bayimirira ne bamutunuulira nga bagamba nti, "Kale, sisobola. Ebyo awo... Sirabyemu." Baali bazibiddwa amaaso.

82 Ne Yesu Yajja mu ngeri y'emu, ennyambala, Katonda Atafa ng'Ayambadde omubiri gw'omuntu. Era olw'okuba yazaalibwa mu mmanvu, mu kiraalo omujjudde obusa, nga tewali na waakussa mutwe Gwe; yazaalibwa n'endowooza yaabwe ne bamupaatikako erinnya Omwebboolereze. Mukiraba? Na bino byonna bye Yali, n'engeri gye Yajjamu, omwana w'omubazzi, ataasomako.

Kabe kasinge mu nsi, amagezi g'ensi eno, nga tagalinaako kakwate konna. Tewali ku bugunjufu bw'ensi eno, obuyivu oba ekintu kyonna, nga Tabirinaako kakwate konna. Lwaki? Ye Katonda. Nga bikuubaagana. Nga bw'agezaako okugendako mu seminaaliyo awantu awamu, okusobola okuyiga ku binto bino amakanisa g'ensi bya gaali gakola, ekyavangamu...Iwaki, ng'olumu ki...Iwaki, nga kisobola n'oku...nga tebikwatagana na kutegeera Kwe, kubanga Yali Katonda.

Kale, obuyivu, okusoma, seminaaliyo n'ebintu ng'ebyo, nga bikontanira ddala ne Katonda by'Ayagala. Enkola yonna ey'ebyenjigiriza ekontanira ddala ne Katonda. Buli kimu kisomesa kukusikambula okuva ku Katonda, buli kiseera. Bwe mpulira omuntu ng'agamba nti ye Dokita, Ph.D, L.L.Q ku nze ekyo kimwongerayo wala ne Katonda. Mulaba? Yeesomesa bingi okusinga ku ebyo ddala bye yayitibwa okukola Ekyo bwe kiri. Awo nno wekkaanye engeri gye baavugibwangamu Omwoyo Omutukuvu.

83 Kaakati, ekyo tekitegeeza nti abayivu tebasobola kuyingira. Tunuulira Pawulo. Nteebereza nga tewaaliwo musajja mugezi amusinga mu nnaku ze, eyali Sawulo ow'e Taluso. Yasomesebwa wansi wa Gamalyeri, omu ku basomesa abakugu ab'olunaku olwo; wakitalo, Omwebbulaniya ateemotyamotya, Mufalisayo mu kibiina ky'eddiini. Ne Pawulo n'akuzibwa wansi we. Ng'amanyi eddiini yonna ey'Ekiyudaaya. Naye bwe yajja eri ekkanisa, n'agamba nti, "Ssajja gye muli na buyigirize bwa muntu, n'ebirala. Kuba, bw'oba oyinza, kukikola, olwo oba ojja kukyesiga. Naye nzijja gye muli mu maanyi n'okulabisibwa kw'Omwoyo Omutukuvu, nti okukkiriza kwammwe kubere mu Katonda." Awo we muli. Mulaba? Bwe kiri.

84 Bangi abaagezaako okugeegeenya abantu bano, naye buli kintu kyaboonoonekera nga bwe kiri ddala ne leero. Waliwo eyasituka nga Yesu tannaba kujja n'akyamya abantu ebikumi bina. Era mumanyi engeri Ebyawandiikibwa gye byogera ku binto bino, bwe mugezaako okubikola ng'ekiseera tekinnaba. Waliwo bangi abaagezaako okumugeegeenya Ye, bona baali *kino*, ekyo na *ki*. Era Yagamba nti, "Mu nnaku ez'oluvannyuma, engeri gye waali aw'okusitukawo ba Kristo ab'obulimba, mu nnaku ez'oluvannyuma, ne bannabbi ab'obulimba era balage obubonero n'ebiyamagero." Ebyo byonna tubirina. Mulaba? Wabula ekyo tekiggyawo kyannamaddala. Kikiwa buwi mwaganya okumasamasa obulungi, kubanga tulina Kristo Owannamaddala. Atali wa bulimba.

85 Kaakati, kati, tukitegeeza nga Katonda Yatuma bannabbi Be. Y'engeri gye Yalinamu okuleeta Ekigambo Kye eri abantu, okuyita mu mimwa gya bannabbi Be. Era bwe mwekkaanya, mumanyi, Musa yagamba, bwe muba mwagala okukisoma mu Kuva essuula 4, ennyiriri 10 n'olwe 12. Musa yagamba nti Katonda Yayogera naye. Katonda Yanyumya n'omuntu, mumwa ku kutu. Era n'agamba nti, "Nnanaagira nga njogera," Musa bwe yagamba. "Nze n'okusaana sisaanira. Sisobola na kugenda."

Yagamba nti, "Ani yakola omuntu okwogera, oba ani eyamufuula kasiru? Ani yamukola okulaba, oba ani yamukola okuwulira? Si nze, Mukama? N'agamba nti, "Nja kubeera n'akamwa ako." Mulaba? Kale...

Yeremiya ye n'agamba, bwe muba mwagala okukisoma ekyo mu Yeremiya 1:6 Yeremiya yayogera nti, "Katonda yateeka ebigambo mu kamwa kange." Mulaba? Ya-yanyumya, kamwa ku kutu, ne nnabbi omu; era n'ayogerera mu nnabbi oli omulala, nga tasobola na kwekomako n'akatono ng'Ayogerera mu kamwa ke.

86 Alina amakubo ag'okufulumyamu Ekigambo Kye, nga bwe mumanyi. Yee, ssebo. N'olwekyo mulaba nga Baibuli Kigambo kya Katonda, so si kigambo kya muntu. Musa yagamba nti, "Katonda Yayogera nange na Ddobozi, nange ne mmuwulira Ye. Ne mpandiika bye Yayogera."

Yeremiya yagamba nti, "Nga sisobolera ddala kwogera. Ekintu ekisooka ky'oba amanya, emimwa gyange gyali gyogera, era-era nga nnali mpandiika." Katonda Yayogerera okuyita mu kamwa ke, era ne kituukirira. Danyeri, Isaaya, n'abalala bona, bannabbi abo bona baalinga ky'ekimu ddala.

87 Mumanyi, mu Ndagaano Enkadde yokka, mulimu obunnabbi obwogera BW'ATYO BW'AYOGERA MUKAMA obusukka mu mirundi enkumi bbiri. Kale, ng'omuntu bw'ayogera nti BW'ATI BW'AYOGERA MUKAMA, taba muntu ayogera. Nga bw'akikola, taba nnabbi, ng'abeera munnanfuusi, mulaba, kubanga tekisobola kituukirira, omukisa gumu gwokka ku mirundi omitwalo kkumi, mulaba, nga basobola okukiteebereza. Naye nga bwe kiba BW'ATI BW'AYOGERA MUKAMA, nga Mukama Katonda y'Akyogedde.

Singa njogera nti, "Bw'ati bw'ayogera Orman Neville"; muganda wange ng'agamba nti, "Bw'ati bw'ayogera Mwami. Mann"; nga njogera nti, "Bw'ati bw'ayogera ow'Oluganda Vayle," wano, oba abamu ku b'oganda bano, yenna ku mmwe; nga njogera kye wagambye. Bwe mba omutuufu, mba njogera ebyo ggwe bye wayogedde. N'abasajja bano, olw'okuba bannabbi, baayogeranga nti, "Si nze. Sirina kakwate konna wabula kiri BW'ATI BW'AYOGERA MUKAMA.' Kale, Baibuli eri BW'ATI BW'AYOGERA MUKAMA okuyita mu bannabbi.

88 Mwekkaanye, baatwalanga Omwoyo wa Kristo ku bulamu bwabwe, ne balagula ebintu ebyalinanga okubeerawo mu maaso. Yogera ku kuteebeereza! Nga boogera ekyalinga eky'okubaawo okuyita mu mirembe, nga bwe batuula, bwe bayimirira, ne bagalamira, nga batambula n'Omwoyo gwa Kristo ku bo, okutuusa bwe baakoleranga ddala nga Kristo. Era abasomi bayinza okubisoma ne balowooza nti bannabbi baali beeyogerako.

Mujukira omulaawe, bwe yali asoma Isaaya 53:1, ku ngeri, nti, "Yafumitibwa olw'okusobia kwaffe, n'Abetentebwa olw'obutali butuukirivu bwaffe, okubonerezewa kw'emirembe gyaffe kwali ku Ye, olw'emigo Gye twawonyezebwa."? Omulaawe n'agamba Firipo nti, "Nnabbi wano ayogera ku ani, yeeyogerako ova ayogera ku muntu mulala?" Mulaba nga nnabbi ayogera ng'eyeeyogerako.

89 Tunuulira Dawudi ng'akaabira mu Mwoyo nti, "Katonda wange, Katonda wange, kiki ekikundesezza? Amagumba gange, gansowose nze," Dawudi. Banfumise ebigere byange n'emikono gyange," Dawudi. "Banfumise ebigere byange n'emikono gyange," Naye Ggwe tolireka mmeeme yange mu magombe, newankubadde Ggwe okuleka omutukuvu Wo okulaba okuvunda," nga mpozzi alinga Dawudi eyali yeeyogerako okuba omutukuvu. Yali Mutabani wa Dawudi, eyawa obulamu, Ensigo ey'omwoyo, okuyitiramu ddala eyo. Wadde nga Dawudi ye kennyini yali kikwatandiga, naye mundaaye, mwalimu ensigo y'enjano. Mukifuna?

Kale, Baibuli yonna si kigambo kya muntu, newankubadde okuwandiikibwa omuntu, okuleetebwa omuntu, era tekisobola kubikkulibwa na muntu. Kigambo kya Katonda nga kibikkuliddwa Katonda Yennyini, Ye Yevvuunulira, Kristo nga Yeebikkulira mu Kigambo Kye Mwene.

90 Labayo Kristo ng'Ayimiridde emabega wano mu Dawudi. Dawudi yali tasobola na kulowooza mu kiseera ekyo. Endowooza ye yali yamwabuulidde dda, nga bwe kyalinga. Ng'Ali awo aleebeetera ku musaalaba, nga bwe mulabira ddala ekibumbe wano; ng'aleebeetera ku musaalaba, ng'Akaaba nti, "Katonda wange, Katonda wange, kiki ekikundesezza? Amagumba gange gonna gansowose. Bafumise emikono gyange n'ebigere Byange. Bansozze effumu ku lubiriizi lwange." Mulaba? Lwaki Oli wala Nange. Zisseddume ez'amaanyi ez'e Basani zinzingizizza. Banyenya emitwe gyabwe, nga bagamba nti, "Yeesiganga Katonda, nti Ajja kumununula; kale kaakano, leka tulabe ova ng'Anaamununula," nga boogera ebigambo by'ebimu.

N'olwekyo, mulaba, Katonda bwe Yalabisibwa wano ku nsi, Yayogera ebigambo by'ebimu nga Dawudi. Mukifuna? Kale, mulaba, si kigambo kya muntu; Kigambo kya Katonda. Yali Katonda mu Dawudi; oyo teyali Dawudi. Teyamanya kye yali ayogera; yali bubeesi mu Mwoyo. Bw'atyne Musa bwe yali. Yali nnyo mu Mwoyo, n'asukkuluma omutendera gwe yalimu, n'ayimirira awo maaso ku maaso, mu kisaka ekyo ekyali kyaka, ng'anyumya ne Katonda Yennyini. N'Agamba nti, ggyamu engatto zo. Oyimiridde ku ttaka ettukuvu."

Nkubamu akafaananyi Musa bwe yavaawo awo, yallowoozaamu nti, "Kiki ekibaddewo? Kiki ekituuseewo? Kibadde ki? N'Agamba nti, "Serengeta e Misiri. Nja kugenda naawe." N'ayogera nti, "Kyannamaddala nnyo gye ndi, nteekeddwa okugenda." N'addira mukyala we awamu n'abaana be..."

manyanga n'omwana we, n'omuggo gwe mu mukono gwe, n'akkirira e Misiri, okununula abantu. Mulaba?

91 Nga Katonda Mwene Ayogera okuyita mu bannabbi. Labayo, nga bo, awatali kubuusabuusa baali...si nti bannabbi; yali Katonda. Kubanga, bannabbi, nga bo baali tebasobola kwogera bintu ebyo. "Ani akkirizza ebigambo byaffe?" Isaaya ayogera, mulaba. "Ani akkirizza ebigambo byaffe? Ani Abikkuliddwa omukono gwa Mukama? Alikula ng'ennyana mu kisibo mu maaso gaffe. Era n'engeri ekyo, kyokka ate, Yafumitibwa olw'okusobya kwaffe, n'abetentebwa olw'obutali butuukirivu bwaffe; okubonyaabonyezebwa kw'emirembe gyaffe kwali ku Ye; era olw'emiggo Gye twawonyezebwa." Twawonyezebwa dda, mu mulembe guno mwe tuli; era Isaaya, emabega eyo ddala emyaka nga lunaana nga Kristo tannajja. Mulaba? "Olw'emiggo Gye twa," kiseera ekyayita, kyakolebwa dda, "twawonyezebwa." Oh, abange! Ekigambo kya Katonda nga kituukiridde nnyo! Mukyesige, mmwe ekisibo. Ky'ekintu kyokka ekisobola okubalokola.

92 Ebigambo ebirala byonna, sifaayo birambikiddwa bulungi kyenkana wa, ngeri ki, n'ani gye biva, biva mu kibiina kya ddiini ki, oba omusajja mugezi kyenkana wa, awatali kubuusabuusa kirina okwewalwa, ekintu kyonna ekikontana n'Ekigambo. Ekyawandiikibwa ekyo mwagala okukiwandiika, kiri mu Abaggalaia 1:8. Mukiraba? Pawulo yagamba nti "Wadde ffe oba Malayika okuva mu Ggulu, bw'anaabuulira ekintu ekirala kyonna okuggyako nga bwe mwasooka okubuulirwa, leka akolimirwe."

Ekitegeeza, Malayika ng'avudde mu Ggulu ng'amamasasa, era n'amala Ayimirira; mulenzi gwe, ekyo kiyinza okuba olusirinjanyi ku ddobo ku lunaku luno, si bwe kiri? Malayika atemagana aga yenna amasamasa n'ajja awo, n'ayimirira ng'ayogera ebintu ebikontana n'Ekigambo, olina kumugamba nti "Setaana vva wendi." Kituufu. Ne bw'aba omulabirizi, ne bw'aba...kyonna ky'ali, tomukkirizanga bw'atayogera Baibuli kyennyini ky'egamba, Ekigambo ku Kigambo. Mwekkaanye, ateequa kukutwala na Baibuli kaakano. Ajja kukutwala mu kifo ekimu, era asseeko eddobo awo wennyini. Ggwe bw'olaba Baibuli ng'eyogera ekintu ekimu, n'akyebalama, mwekkaanyize ddala awo wennyini.

Mulaba, bw'atyo bwe Yakolera ddala Kaawa. Yatuukira ddala wansi, n'ayogera buli kimu nga bwe kiri ddala.

"Kale, Katonda Yayogera *kino*. "Ekyo kituufu, Kaawa. Amiina. Fenna ekyo tukikkiriza."

"Kale, Katonda Yayogera *kino*. "Amiina. Ekyo tukikkiriza wamu." "Ekyo tukikkiriza mu mazima."

"Kale, naye Katonda Yagamba nti tulifa."

"Kale, kaakano, okimanyi nga Ye Katonda omulungi." Teyagambako, nti tajja, nga bwe mumanyi. "Wabula mazima ddala..." Oh, nze! Wuuyo awo. Era bw'aba nga yali mulimbalmiba bw'atyo, nga ne Baibuli egambye, nti, "Mu nnaku ez'oluvannyuma agenda kulimbalimba n'Abalonde oba nga kiyinzika," tuteekeddwa kuba wa leero, mikwano? Kati, amasomo gano aga Ssande Sukuulu wano, gateekeddwa okutwalibwa n'obwegendereza, mukimanyi nga mu mitima gyaffe, okusobola okulaba...Tuteekwa okuwuliriza n'obwegendereza ennyo, tulabe obulimba bw'ekyo bwe buli.

93 Mwekkaanye, tetusobola, tetuteekeddwa, kuwuliriza Kigambo kya muntu mulala yenna. Tetufaayo mugezi kyenkana ki, muyigirize kwenkana wa. Baibuli, mu ngero egamba nti, "Tuteekeddwa okusuula eri okukubaganya ebirowoozo." Mulaba? Kaakati, wano mu mutendera ogw'okubiri...Omutendera ogusooka bwe busimo bwo obw'okulaba, okuloza, okukwatako, okuwunyiriza, n'okuwulira. Ekyo ky'ekibeera mu mubiri gwo ogw'okungulu.

Mu mubiri ogw'omunda, nga gwe mwoyo, kwe kukubaganya ebirowoozo n'endowooza, na buli kimu. Ebyo byonna tuteekeddwa okubisuula wansi. Obutakubaganya birowoozo nga tugamba nti, "Kale, lindamu. Katonda bw'Aba nga mulungi..." Ate leero tugambiddwa bingi nga bw'atyo bw'Ali. "Bw'Aba Katonda mulungi, ate nze bwe mba omwesimbu, wadde ng'ekyo sisobola kukiraba mu Baibuli nga kituufu, wadde nga ndi mwesimbu, nja kulokolebwa." Ojja kubula. [Ebbanga ejjereere ku lutambi.-Omuk.]

"Bwe njenda ku kkanisa ne nkola ebyo bye nzikiriza nga bituufu, era ne ngezaako okunywerera ku ekyo kye ndowooza nga kituufu, kale, nze..." oba okyabuze. "Waliwo ekkubo erirabika nga eddungi eri omuntu, naye nga enkomerero yaalyo, kkubo lya kufa." Mulaba? Tojja kulokolebwa; ojja kuba obuze. Olaba? Mukiraba? Ateekeddwa okuba Omuntu oyo ow'omunda nga y'afuga.

94 "Kale, njogeddeko mu nnimi, ow'Oluganda Branham. Kale, ggwe tokkiririza mu kwogera mu nnimi, ow'Oluganda Branham?" Mazima ddala. "Kale, nnaleekaana; ekyo ggwe tokikkiririzaamu?" Yee, ssebo. "Mbeera obulamu obw'Ekikristaayo obulungi. Ekyo tokikkiririzaamu? Yee, ssebo. Era ekyo tekitegeeza nti walokolebwa. Oli muntu mulungi; muyonjo, wampisa, omutukuvu, omuntu omulungi.

Ne bakabona abo bwe baali, bannaddiini kakongoliro, bannaddiini nnyo okutuusa ng'omu bwe yasobyanga, yalinanga okukubibwa amayinja. Ekiponerezo kya kufa olw'okusiruwalira ku Kigambo kya Katonda kwali kufa.

95 Ekyo ky'ekizibu n'eggwanga Iwaffe leero, ensonga etuleetedde ebintu ebingi ebiragaya ku nsi leero, ebonerezo si bikakali kimala. Omusajja bw'asangibwa ne muka musajja, bona bateekeddwa okutwalibwa mu lujjude ne balaayibwa, kituufu, ne bamala ne babata. Ekyo bwe kiri. Singa omuntu asangibwa akola ekintu kyonna ekikyamu, emmanga ku luguudo, ng'adduka embiro, tateekeddwa kuweebwa kibonerezo kikka wansi wa myaka kkumi; asangiddwa...kugezaako kutta muntu mu bugenderevu. Mukiraba? Bwe muteekako ebonerezo ng'ebyo, mujja kukendeeka ku mbiro ebintu ebyo kwe bikolera.

Naye, munnabyabufuzi ow'embaliga asobola okutuuka ku *kino* ekimu wano ate n'akyebalama nga bw'agamba nti, "Kale abadde anywamu katono, era abadde...teyategeezza kukola ekyo." Era asobola n'okutta omuntu, mukazi we, n'ekinywa ky'abaana abatalina musango, ne bamuleka ng'ayinaayina, ebyo bye by'obufuzi. Eyo y'ensi. Oyo ye Setaani.

96 Katonda Yagamba nti singa omuntu akwatibwa mu bwenzi, oba omukazi, baabafulumyangwa wabweru ne babatta n'amayinja. Ekyo nga kimala. Mulaba? Nga ne bw'asangibwa ng'alonderera obuku ku lunaku Iwa Ssabiiti, "Nga bamutwala ne bamukuba amayinja. Bwe batyo bwe baabanga mu biro ebyo. Era kaakano, mulaba, tetukyalina mateeka gafaanana bwe gatyo leero.

Wabula Omukristaaayo, ekkanisa, ekintu kye njogerako enky ya lero, etteeka lya Katonda liri mu mutima gwo. Mulaba? Teweegomba na kukikola. Kiri ddala munda muno. Oyagala okukuma etteeka lya Katonda butiribiri. Nga tofuddeeyo kyonna kye kiri, ggwe oyagala kubeerera ddala ekyo...Nga Katonda bw'Ayagala ekisiimuula ku luggi, Ayagala ggwe obeere ekisiimuula, oli na musanyufu okubeera ekyo. Si nsonga kigenda kuba kitya, ggwe oyagala kubeera kisiimuula. Mukiraba? Nga buli Katonda ky'Ayagala ggwe okole, naawe ekyo kyennyini ky'oyagala okukola kuba ye Katonda. Kaakati, awo nno w'osangira ddala okwagala kwo eri Katonda, okutuufu ate okwannamaddala.

97 Kaakati awo ne tulyoka tukizuula nti, "Malayika bw'abuuliranga ekintu kyonna ekirala," ng'oggyeeko ekyo...?...Ekyayogerwa mu Baibuli., "Ieka akolimirwe." Tewali n'omu asobola. Tasobola kukikola ekyo; kiteekeddwa ddala kubeerera ddala nga bwe kyogeddwa.

Era tusome nate mu Okubikkulirwa 22:18 ne 19, "Omuntu yenna bw'anaayongerangako ku Kino, oba okutoolako Ekigambo kyonna, Katonda Ajja kuggyga omugabo gwe mu Kitabo eky'Obulamu." Kituufu. Katonda Ajja kuggyako omugabo gwe, wadde nga muweereza, na kyonna ky'ayinza okuba, n'ekigambo kye...erinnya lye liwandiikidwa mu Kitabo ky'Obulamu. Katonda Yagamba nti, "Nja kulisangulamu butereevu," ekyo bwe kiri, "bw'akigattako ekintu kyonna ku Kyo, oba okukitoolako Ekigambo kyonna ku Kyo." Bw'Atyo Katonda atakola nsobi bw'Akoze Ekigambo Kye. Mulaba? Osobola okugatta ku kkanisa, oba okutoola ku kkanisa. Togattanga ku Kigambo ekyo oba okukitoolangako kuba Katonda Alitoola erinnya lyo okuva mu Kitabo eky'Obulamu. Olwo, ekyo, owedde. Mukiraba? Tosobola kugattako, oba okukitoolako. Kiri bw'ekityo nga...

98 Tekyetaaga mutaputa, kubanga Baibuli egambye nti Katonda Yeevvuunulira Baibuli. "Kubanga tekirina kuvvuunulwa kwa muntu." Peetero bwe yagamba. Bwe kiri ddala.

Era Ebyawandiikkibwa byonna byaluunjamizibwa Katonda, byategekebwa, era ekintu kyonna kwe kubikkulirwa kwa Yesu Kristo. Endagaano Empya awamu n'Empya, we zaamwogererako ng'Ajja, kye Yali ow'okukola ng'Atuuse wano, ky'Ayinza okukola mu mulembe ogugenda okujja. Ekyo nno kimufuula okuba nga y'Omú Jjo, leero n'emirembe gyonna. Mulaba? Nga bwe kiri mu Abaebbulaniya, Pawulo bwe yali akiwandiika. Ye Katonda, "Yesu Kristo jjo," ow'Endagaano Enkadde. Ye "Yesu Kristo leero," ng'alabisiddwa mu mubiri. Ate ye "Kristo emirembe n'emirembe," mu Mwoyo, "agenda okujja." Olaba? Mulaba? "Omú jjo, leero n'emirembe gyonna." Era Aba mulamu okusobozesa Ekigambo Kye okuba ekiramu mu ekyo kye kyagamba nti kye kirikola mu mulembe ogwo. Ye mulamu.

99 Yali mulamu mu Ndagaano Enkadde, ng'Alabisiddwa. Waliwo ekintu ekitono kye njagala mulabe, bwe muba musobola okukigumiikiriza. Mulabeeyo, Yesu bwe Yalabisibwa mu Ndagaano Enkadde, nga bwe tukikkiriza. Kaakati, babuulizi mmwe ebweru eyo musobola obutakkaanya nakyo, mukole kyonna kye mwagala okukola, wabula njogera ku lwange...nze kye ndowooza. Mukiraba?

Yesu bwe Yalabisibwa mu Ndagaano Enkadde, mu mubiri ogw'omwoyo, mu muntu Merukizeddeeki; si obwakabona, wabula Omuntu, omusajja. Mulaba? Kubanga omusajja ono yali tannazaalibwa, wabula Yali mu mubiri ogw'omwoyo, kale nga talina kitaawe, wadde nnyina. Yali Katonda Mwennyini. Yali Alabisiddwa mu kikula ky'Omuntu, ekiytibwa, "Kabaka we Saalemi, nga ye Kabaka w'emirembe era ow'obutuukirivu." Mulaba? Yali Merukizeddeeki. "Nga Talina kitaawe newankubadde nnyina, nga talina ntandikwa ya nnaku, wadde enkomererero y'obulamu." Mulaba? Yali Yesu mu mubiri ogw'omwoyo, mu kikula ky'Omuntu. Wali Osobola okukyebeera ekyo? bwe kiri.

100 Olwo mazima ddala n'Afuulibwa omubiri gw'omuntu, n'abeerako gye tuli, mu Muntu Yesu Kristo Mwennyini Eyazaalibwa embeerera Malyamu. Yajjira mu kikula ekyo Asbole okufa, era ne Yeddirayo mu Ggulu.

Kale, mu nnaku zino ez'oluvannyuma, Asuubizza okwerabisa Ye Mwennyini mu bujuvu nate, mu mubiri Gwe, mu Mwoyo. Mulaba? "Kuba nga bwe byali mu nnaku za Sodoma, bwe kityo bwe kiriba mu Kujja kw'Omwana w'Omuntu." Kati, mutunuulire Sodoma, engeri gye yali etegekeddwamu na kiki ekyabaawo. Ne Yesu Kristo ng'Alabisiddwa mu mubiri, ogw'Ekkanisa Ye leero, mulabeeyo, ng'Akola ekintu ky'ekimu, emirimu gy'egimu, ebintu by'ebimu by'Akozenga buli kiseera, Takyukanga, Oyo Ataggwaawo. Mukiraba? Era ku nsi leero, Yeerabisizza Ye Mwennyini mu mibiri gy'abantu, emibri gyaffe egy'obuntu gy'Ayise, era n'Akolera ddala ebyo bye Yakola mu bitundu ebingi, ne mu biseera by'omubiri Gwe bwe gwali ku nsi. Ng'Akola ekintu ky'ekimu leero, kubanga, "Katonda mu bitundu ebingi Yayogera ne bakitaffe okuyita mu bannabbi, nga kati mu nnaku zino ez'oluvannyuma Ayise mu Mwana We, Yesu Kristo." Mulaba, Omwana ng'Abikkulibwa mu nnaku ezisembayo, nga Katonda Alabisiddwa mu mubiri gw'omuntu, ng'Atudde nga Sodoma tekinnazikirizibwa, enkomerero y'ensi y'Abamawanga. Mukiraba? Waliwo okulabisibwa kwa mirundi esatu awo.

101 Kaakati, ekintu ekiddako ekibaawo, weewo nga bona bakunjaanyiziddwa mu Muntu oyo omu, Yesu Kristo, Omugole n'Omubiri ku Kudda kwa Mukama Yesu okw'obuliwo. Ng'Atuukiriza emirundi Gye esatu... Bwe Yaleetebwa ku nsi; n'Attibwa, n'Akomererwa, n'Azuukizibwa. Nga Yeerabisa Ye Mwennyini mu kikula ky'Omubiri Gwe, nga ye Mugole We, Omukazi. Mukifuna? Kitundu ku Mubiri Gwe. Era omusajja n'omukazi bali kimu nnyo, okutuusa nga kyenkana bona...Bali omu. Bateekeddwa okuba, mu buli ngeri. Baabo awo, mulabeeyo, nga balabisiddwa mu ngeri y'emu. Omukazi kitundu ku musajja, kubanga yaggyibwa mu ye. N'Omugole leero aggyibwa mu mubiri gwa Kristo, oguli mu kweyisa n'okukola nga bwe Yagambira ddala nti bwe gwalina okukola mu lunaku luno, Omugole, Nnaabakyala; Kabaka ne Nnabakyala. Kirungi. Obudde butukeerewako kaakano, Kale tugenda kwanguwako okusobola okumaliriza.

102 Kirungi. Baibuli yonna kwe kubikkulirwa kwa Yesu Kristo mu bulamba, nga Yeemanyisa eri buli mulembe. Yeemanyisa mu nnaku za Luther, ng'omusingi; ekkanisa, ekigere, n'amagulu. Nga bwe Yakola Kabaka Nebukadduneza; mujukira engeri gye yalootamu ebirooto ebyo, nga kiviira ddala waggulu ku mutwe okukka wansi? Mulaba? Kaakano ava ku bigere okwambuka waggulu. Mulaba? Mu bwakabaka bw'e Babbulooni Yalaga ebyo byonna eby'Endagaano Enkadde, Yava ku mutwe okukka wansi, okutuusa bwe Yakkira ddala wansi nga Katonda Mwennyini Yafuuka omubiri ku kigere ky'eddaala. Kati, wano mu Ndagaano Empya, Yeeyambusa Mwennyini nate, okutuuka ku Mutwe nate, Omutwe ogwa zzaabu okusobola okutikkirwa engule. Mulaba? Mutunule. Mukifuna?

Mulabeeyo, Katonda Yaliyo ku Lubereberye, n'Agenda mu maaso ng'Akka wansi, okuyitanga mu bannabbi, bw'atyo n'Akkira ddala wansi, okutuusa Katonda Ye Mwennyini bwe Yafuukira ddala nga ffe, okutuukira ddala ku kigere ky'eddaala, Omwana azaaliddwa mu mmanvu; n'Akyayibwa, n'Agaanibwa, n'Anyoomebwa, n'erinnya ebbi, na buli kimu kye Yali. Awo nno n'Atandika okwambuka, mulaba, n'okuvira ddala ku bigere, n'Atandika okuzimba Ekkanisa, Omugole, ng'Akomawo, bw'atyo ng'Akomawo; n'Akomerawo ddala okutuuka ku Jjinja ery'oku Ntikko, awo we gwegattira awamu okukola Omubiri ogumu ogwafuusibwa ogwa Yesu Kristo.

103 Katonda Abikkulibwa mu buli mulembe olw'Ekigambo Kye ekisuubiziddwa eky'omulembe ogwo. Kaakati ka tulabeko ebimu ku bisuubizo Bye ebimu eby'olunaku luno, nga bwe tumaliriza kaakano mu bigambo bino ebisemba.

Kaakati Katonda Yeebikkula mu kiseera ky'Omusana ogw'akawungeezi. Leka tulabe kaakano. Tulaba...

Nninawo wano ekisaaganda ky'Ebyawandiikibwa bye nnawandiise wano. Nga bwe musobola okulaba ku muko guno, Ebyawandiikibwa bimeka ebiwandiikkidwa awo. Naye, tulina eddakiika nga kkumi na ttaano zokka okutuuka essaawa mukaaga. Njagala tufulume. Kyokka nange sisaakaadde bulago, nga njogera amakya ga leero. Olumu ebyuma bino ebinnyogoza empewo bye bindeetera okusaakaala obulago. Kale Ow'Oluganda Neville bw'ata...Tolinayo kintu kyonna eky'ekiro kya leero? [ow'Oluganda Neville addamu nti, "Nedda." -Omuk.] Kale, kale, Nja...Bwe kiba weewaawo, nnina kye nninawo. Nnasanga ekipakiti kya sigala olunaku Iwa luli, nga kiri eyo mu kibira; era nninawo Obubaka okuva ku kipakiti kya sigala ekkyo, ekiro kya leero, Mukama ng'Asiimye. Mulaba? Kale, nno nninawo Ebyawandiikibwa bino wano. Ate ssaagala kusussa mu budde.

104 Ekipakiti kya sigala, nga kyogera. Kirungi. Nnabadde ntandika eyo mu kibira, awo nga waliwo ekipakiti kya sigala era ne nkiyatko ne njenda bugenzi. Ne ndowooza nti, "Kale, waliwo omuntu andi mu maaso gange." Era ne wabaawo ekijjamba nti, "Kyuka oddeyo emabega olondewo ekipakiti kya sigala. Ne ndowooza nti, "Nnondewo ekipakiti kya sigala? Si nze." Ne wabaawo ekyogera nti, "Kyuka oddeyo emabega olondewo ekipakiti kya sigala." Ne nzikirira, nga waaliwo ekipakiti ekikaluu ne wabaawo kye nnalabye. Nja kukibabuulirako, ekiro kya leero, Mukama ng'Asiimye. Kirungi.

105 Kati tugenda kwogera ku Musana ogw'akawungeezi okumala akaseera akatono. Baibuli eteebeereza nga wajja kujja akaseera, awo wennyini mu kaseera k'okuggalawo, nti enjuba yaakuvaayo era nga wajja kubaawo Omusana ogw'akawungeezi. Fenna ekkyo tukimanyi. Si bwe kiri? Bwe twali...Ffe abamanyidde Obubaka bwaffe olwaleero okuva eri Mukama Yesu, tukkiriza nga wajja kuberawo Omusana

ogw'akawungeezi. Era Omusana guno...Ekituufu, Omusana omukulu gugenda kujja awo Yesu Mwennyini bw'Alirabisibwa wano ku nsi, oba waggulu mu Ggulu, ng'Atwala Omugole We, olwo Emyaka Olukumi giryoke giyingirewo.

106 Naye tulinawo ekimu ku biseera ebisingira ddala obubi kye tulina okuyitamu, ekyali kirindiridde abaana b'abantu. Nange nnindiridde essaawa we tunaasabolera okufuna...buli muntu osobole okufuna akakisa okuva ku mulimu n'omalako ennaku ntonotono, tufune awantu we tusobola okutuula njogere ku Bibonyoobonyo ebyo, n'ebintu ebirina okugwa mu nnaku ezesembayo; tusuule wali wiiki nga bbiri oba ssatu wamu era ebyo tubikwataganye wamu, Mukama bw'Anaaba Anjanyizza okubeerawo okukikola era ajja kunnunjamya okukikola ntyo, okulaba engeri ebintu ebyo gye biyingiram, n'Ebibwatuka ebyo. Olwo mujja kusobola okulaba ebyo omusajja oyo n'abo abantu bye babadde balootako, n'ebintu bino byonna awo, kijja kutuukirira; mulaba, mujja kwekkaanya ebyo ebibikkuddwa, Ekibwatuka ekyo ekikulu ekifubutako mu bwengula. Kaakati, mazima ddala, mwenna, mumanyi nga mmanyi ekyo kye kitegeeza, mulaba. Era, ka tulinde ekiseera ekyo kituuke, mulabeeyo, nga bwe kinaabeerawo, mulabe, kaakano, era kijja kusukkawo mu biro.

107 Kaakati, kale tugenda kusoma ebimu ku Byawandiikibwa bino-bino wano ebirimu. Kaakati, mu Musana ogw'akawungeezi nga guzze, bwe twekkaanya kaakano, nti gulina okuba Omusana gwe gumu nga ogw'okumakya. Kubanga, tewaaliwo musana gwa kumakya na mulala nga gwa mu ttuntu. Gwe musana gwe gumu. Omusana gwe gumu oguliyo mu ttuntu gwe gwabaddewo kumakya; oguliwo kumakya gwe guliwo mu ttuntu. Kati, kyagambye, "Olunaku Iwennyini," olunaku wakati w'ekisera ekyo, "lugenda kuba mu ngeri nti, oh, nga lulinga Iwakikome. olunaku olw'ekizikiza. Nga terusobola kuyitibwa misana oba kiro, wabula wakati w'ebyo."

108 Mulaba, okwo kwe kutonda Omubiri, okuva ku bigere okwambukira ddala. Bwe Yali wano ku nsi, Yali Mwana, Okumasamasa era n'Attibwa. Ekkanisa n'etwala ekifo Kye, olwo okuttibwa kw'abajulizi era n'eyita mu Mirembe egy'Ekizikiza. N'etandika okuzimbira ku musingi nga bw'evaayo. Kale, olwo okulaba kuva wa? Waggulu ku mutwe. Laba okwolesewba okwo;

Olabo Nebukadduneeza? Mumulabe ng'akkirira wansi, okuva ku ntandikwa y'omulembe gw'Abamawanga nga n'Omusaayi tegunnayiika ku Iwabwe okubatangirira. Baali abo abakyusiddwa abaaleetebwamu. Wabula weetegereze kyakkirira, ddala wansi, wansi ddala ku ntobo, mu kabonero, mulabe, bwe kireetebwa wansi. Olwo ne kiddirayo ddala, awo nga kikomawo, Ekkanisa ekomawo okuva ku bigere, ng'erinnyalinnya. Kaakati eri mu kiseera kya mutwe-ekiseera ky'omutwe. Kaakano weetegereze Omusana.

109 Tosobola kulaba na mikono gyo, wadde nga kitundu ku mubiri. Tosobola kulaba n'amatu wadde nga gasobola okuwulira. Tosobola kulaba na nnyindo wade nga ziwyiriza. Tosobola kulaba na mimwa wadde nga gisobola okwogera; mulaba, ogwo gwe gwali omulembe gwa Pentekoote. Era kaakati guli mu kiseera ky'amaaso, okulaba. Mulaba? Kaakati, tewaliwo kitundu kisinga maaso kutambula. Si bwe kiri? Ekiddako, ge magezi nga ye Kristo Mwennyini, Oyo Afuga Omubiri gwonna. Tewaliwo kutambula, kulala okusinga ekyo mulaba? Buli kimu ekirala kitambudde. Mulaba? Tambuza ebigure byo, tambuza ebinywa byo mu bigere byo, tambuza buli kimu. Tambuza...Amatu go gasobola okutambula, ennyindo yo, emimwa gyo, n'ebirala. Naye oluvannyuma Iw'amaaso go, tewakyalilo kirala kitambula.

Y'ensonga Iwaki bagamba nti abasajja bafuna mangu ebiwalaata, kiri Iwakuba, mulaba, tewaliwo kikolebwa kukuza binywa mu nviiri, olususu Iw'oku mutwe. Mulaba? Si kufuna katto akeezizikibwa basobole okwambusa omusaayi waggulu omwo. Omusaayi tegusobola kwefukuta kuyitamu, mulabe, tegujja kwambuka okuweereza omusaayi. Kubanga, emirandira gy'enviiri gibeera miramu na musaayi. Era Tukizuula nti ekitundu ekyo, mulaba, tewaliwo kintu kisukka ku maaso.

110 Kale leka tuzuule. "Waliba Omusana." (Nga wakati w'olunaku?) "mu kiseera ky'akawungeezi!" Omusana gutumiddwa kukola ki? Olwo musobola okulaba wa we muli...Engeri y'okubikwasaganyaamu. Si bwe kiri? Mulabe we muli. "Waliba Omusana mu kiseera eky'akawungeezi."

Kaakati, tutwale kino kati tukigeraageranye ne Malaki 4. Yasuubiza nti walibaawo Omusana mu kiseera ky'akawungeezi, mulabe, "Kuba, ndibatumira Eriya nnabbi, era alizzaayo abaana eri bakitaabwe, ne bakitaabwe eri abaana," (si bwe kiri?) "nneme okuja ne nkuba ensi n'ekikolimo."

Kaakati ka tukwate Yokaana oba...Lukka Omutukuvu 17:30, era wekkaanye Yesu kye yalagula awo, ng'agamba nti, "Nga bwe kyali mu nnaku za Sodoma, kigenda kuba mu ngeri y'emu..." Kati mujukire, mwekkaanye, kino ky'ekiseera Omwana w'omuntu w'Alibikkulibwa; okubikkulibwa kw'Omwana w'omuntu. Kaakati, Omwana w'omuntu yabikkulibwa mu buliwo, mu ddakiika ntono awo, Sodoma bwe kyali tekinnayokebwa muliro. Kaakati, omusajja oyo Yali oyo Elohim. Oyo Yali Katonda; ne Yesu ye Katonda. Era Katonda Yabikkulibwa mu buliwo awo wennyini okumala ekiseera ekitonotono, okwogerako ne Ibulayimu, mu kunoonyereza olw'omusango. Okumala akaseera akatono ennyo; Omwana w'omuntu yabikkulibwa; Omwana w'omuntu, Elohim. Kkanisa mukiraba? [Ekibiina kiddamu nti, "Amiina." -Omuk.] Omwana w'omuntu, Elohim, Yabikkulibwa okumala eddakiika entono. Amakya gennyini agaddako,

yayokebwa, (Ddi?) omusana bwe gwali nga tegunnavaayo nate.

N'olwekyo, nga tewakyasobola kubaawo kibiina kya ddiini kisigaddewo, era tewayinza kubaawo kukulaakulana kwonna okusinga kuno okugenda mu maaso kaakano, kubanga ensi egenda kuggya ng'amakya tegannalabika nate. Okudda obuggyga kuwedde, mu ggwanga lyonna. Tewagenda kubaawo kudda buggyga kulala kwonna, okudda obuggyga okunene okwera; eggwanga lino teryakwaniriza. Oyinza okuba n'okukujaana kw'abamagezi. Naye kye ntegeeza, okudda obuggyga okw'Omwoyo, tukulabye kwonna. Ndowooza mukifuna. Njogera kino mu ngeri eyo gye-gye mbasuubira okukifunamu. Mulaba? Kuweddeko. Omuweereza omulungi yagambye akaseera akayise, n'agamba nti, "ow'Oluganda, "Singa nsobola okuba n'essanyu lya Mukama waffe mu mutima gwange!" Ne njogera nti, "Mutabani, okudda obuggyga kuweddeko." Mulaba?

111 Kaakati ebitebenkeza biteereddwa ku kyombo. Amayengo ag'omutawaana gatwolekedde; naye tumanyi, ebusukka w'amayengo ago, tusemberera olubalama. Mulaba? Tuli kumpi okutuuka ku Lubalama. Musigale nga mutebenkedde. Musigale mu Kigambo. Musigale ne Katonda. Si nsonga owulira otya, ekintu ekirala kyonna; sigalira ddala n'Ekgambo. Leka-leka-leka ekyombo kisigale nga kitebekedde, ggwe bw'olaba ebire bino ebinene nga bikuluumukuka okutwetooloola, nga n'emiyaga nga gjija, ne zi bbomu zinnamuzisa na buli kimu ekirala kye boogerako. Naye ekitebenkeza kyaffe kiri ddala mu Kigambo. Katonda Yagamba nti kijja kuba wano; tujja kuba ku ntikko ya buli kimu. Weewaawo, tujja kugendera ddala waggulu waabyo. Yee, bwe kiri! Byo, tebisobola kutusuula mu nnyanja. Tebisobola kutubbiza. Ggwe tuteeke mu ntaana; tujja kufubutukayo nate. Ekyo kye kikiriko. Tewaliwo ngeri yonna mu nsi yaakukuumira kyombo wansi eyo. Tujja kubeera waggulu wa buli kimu, kubanga, omugoba waffe omukulu Ali ku luuyi luli akoowoola.

Tusudde ennaga yaffe mu Yesu,
Omuyaga gw'obulamu nja kugwenjanga;
Nsudde ennaga yange mu Yesu, sitya mpewo wadde ejjengo;

112 Kyonna kye kiyinza okuba, ka kijke. Kyonna, ekyagala, tekikolawo njawulo. Tusudde ennaga yaffe mu Yesu. Bwe mba omulamu, mbeera mulamu olw'ekitiibwa kya Katonda. Bwe nfa, nfa olw'ekitiibwa kya Katonda. Njagala bwagazi okuba...Kiba Iwa Kitiibwa kya Katonda, ekyo kye njagala okukola. Ebyo byonna nga biwedde, mba sikiayagala kubeera wano nate. Njagala okugenda eyo...eri empeera yange gye Yangulira; si eyo gya nnafuna, wabula gye Yangulira, gye Yampa olw'ekisa Kye.

113 N'olwekyo, tulaba Omusana gw'akawungeezi awo. Kitwala ki okuba n'Omusana, bw'oba nga tolina maaso kukiraba oba ogenda kukola otya? Omusana gw'akawungeezi kye kiki? Omusana gujja, okubaako kye gubikkula. Si bwe kiri? Bwe wabaawo ekintu *wano*, ng'owulira tosobola kutegeera kye kiri, ng'oli mu kizikiza, olwo oteekako ekitangaala. Kiba kya kubikkula! Malaki 4 egenda kukola ki? Mulaba? Okukola ekintu ky'ekimu. Okubembula kw'evumbo Omusanvu kwali kukola ki, ebibiina by'amaddiini mwe byali bitagalira?...Kubikkula, n'okuggyayo. Bw'oba nga tolina maaso gonna, olwo kigasa ki okubikkula? Walina okusooka okubaawo amaaso, ag'okulaba. Si bwe kiri? Okubikkula Malaki 4, okubikkula Lukka 17:30 Yokaana 14:12 ne Yokaana 15:24, 16:13. Era n'okubikkula Okubikkulirwa 10:1 okutuuka ku Iwo 7 okubembula kw'Envumbo Omusanvu n'Obubaka bwa Malayika ow'omusantu; okuggulawo, okubikkula, Omusana gw'akawungeezi bwe gujja. Kati, omuntu singa...

114 Mu mulembe gwa Lawodikiya, abantu baali (batya?) "bali bwereere." Bwe bali "Bazibe b'amaaso." Ekitangaala kigasa kitya eri muzibe? Omuzibe bw'akulembira muzibe, bombi tebagwa mu bunnya? "Abali obwtereere, bamuzibe ate nga tebakimanyi." N'endowooza zaabwe zaabwe, okulowooza kwabwe okw'omwoyo, okutegeera okw'omwoyo. Mulaba?

"Abakakanyavu, ab'egulumiza, abaagala amasanyu okusinga Katonda, abamenya endagaano, abawaayiriza, abateefuga, abanyooma abo balungi; nga balina ekifaananyi eky'okutya Katonda naye nga beegaana Amaanyi gaakwo." Amaanyi g'okubikkulirwa; nga tebagakkiririzanamu. Mulaba? Tebakkiririza mu bintu ng'ebyo nti bannabbi. Era tebakikkiririzaamu. Bakkiriza nti-nti Malaki 4 yaakubeera ekkansa emu oba ekibiina ekimu. Bwe yajja omulundi ogwasooka, yali muntu. Bwe yajja omulundi ogw'okubiri n'omugabo ogw'emirundi ebiri, yali muntu. Bwe yajja mu kikula kya Yokaana omubatiza, yali muntu. Mulaba?

Mu nnaku ezesembayo, Ebitangaala by'akawungeezi bwe byatandika okwaka, amaaso gaja kuzibuka era mujja kulaba wa gye mugenda. Olwo Omubiri guba gumaze okutondebwa, nga guyimiridde ku bigere byagwo, okubaako ekikolebwa, nga gutambula ku bw'Omwoyo Omukutuvu. Kiki? Oyo y'omu Yennyini Eyatambula ku bannabbi Eyawandiika Baibuli, nga ye Mwoyo Omukutuvu y'Omum Atambulira mu Mubiri ogujjuziddwa n'Omwoyo Omukutuvu, ng'Atambulira mu Mwoyo Omukutuvu, ng'ava mu buli kibiina, na buli ggwanga, n'olulimi n'abantu.

115 Omukyala omutono wano, si wa kibiina kino, oba ekibiina kino...okuba ow'omu kibiina kino. Alinako w'ava awalala era azze enkyo ya leero, alina awo ekifaananyi. Kya...yakiwadde Mutabani wange, oyo eyewuunyizza ennyo. Simanyi oba nga Kino yali akiwuliddeko oba nedda. Sikimanyi. Yabadde

n'ekifaananyi kya Malayika wa Mukama ono eyali ku Mirembe gy'Ekkanisa Omusanvu, Envumbo Omusanvu ezaabembulwa, ebweru eyo, we kyabeererawo. N'agamba bwe yayisizzaamu amaaso okutuuka emabega, n'alyoka akiraba ekyo nga kiyimiridde mu bwengula, mu kirooto. Bwe yatunudde emabega awo n'akiraba ekyo, ng'alaba Ali mu byeru, ng'atambula agenda mu maaso; era ng'emabega waakyo, yagambye nti kyabadde kifaanana...n'agamba nti, "ow'Oluganda Branham, yabadde ggwe." Era n'ayogera nti, "Ng'okumbira omwo," n'agamba nti, "emabega wo, waabaddewo abantu nga ba langi za njawulo, nga bakutte ekipande; Georgia, Alabama, n'ebifo ebirala bingi eby'enjawulo, nga bakumba bagenda mu maaso," nga balinnyalinnya awo Kristo we Yabadde Abikkuliddwa mu kwolesebwa. Oh, Aleeruuya!

116 Tuli mu nnaku ezisembayo ate era essaawa z'olunaku ezisembayo. Kaakati mumulaba mu Kigambo Kye, nga n'Ekgambo Kye kyonna kirabisiddwa ddala mu maaso gaffe? Oh, Ekkanisa ya Katonda omulamu, muyimirire ku bigere byammwe, mumukkirize Ye na byonna ebiri mu nda yammwe. Mwenywerezze ku Nnamuziga entono wakati wa nnamuziga, leka etebenkeze buli mugendo na buli luseetuka olwo Iw'okola. Buli kirowoozo ky'olina, ka kifugibwe n'Omunaala guno oguli munda yo ggwe. Kubanga, Katonda Atululidde ddala mu Kigambo Kye eky'ekiseera kino, mu kiseera ky'Omusana gw'akawungeezi, nga gwoleka Ekitangaala.

117 Obuzibe bw'akawundo! Osobola okuteekako ekitangaala, n'akawundo kabeera ka muzibe nnyo nti tekasobola na kubuuka. Ekiwuugulu na byonna ebyo ebitambula ekiro, n'ebintu bwe kityo, ebiyenje na buli kintu, tebisobola kulaba misana. Tebimanyi kibikwatako. Tebisobola kulaba.

N'Omusana ogw'akawungeezi guzze. Buli lugero, buli we tugenda, eri obutonde, mu Baibuli, eri ebibumbe Meruki...Danyeri gye yalaba, era-era ne kabaka w'olunaku olwo, bona bye baalaba; n'ebintu bino byonna, na buli omu, na buli kikula, na buli mugendo, na buli kifo mu Mubiri, bitulagira ddala essaawa gye tulimu. Nga tewali mugendo mulala guyinza kujja waggulu waagwo. Waaliwo okutambula kw'omukono; okwagala, Wesley.

Waaliwo okutambula, okw'omusingi; Luther. Okwagala, tewabangayo gusingako awo. Gwayitibwa omugendo gwa Wesley. Ne batuma abaminsani mu nsi yonna. Ogumu ku migendo egy'amaanyi egiali gikoleddwa, mu mulembe ogwasooka ogwo.

Olwo ne wajja omulembe gwa Pentekoote; olwo ne walyoka wajjamu engalo ez'enjawulo na buli kintu, omulembe gwa Pentekoote, ogw'ennimi, n'ennyindo n'ebirala. Kaakati kiri ku maasso. Kirungi ki ky'oja okwetaaza amaaso, oba okwetaaga ekitangaala, amaaso ago bwe gatabeerawo ggwe okulaba? Walina okusooka okubaawo amaaso okulaba.

Olwo ekyo bwe kyajja, n'Alyoka abembula Envumbo Omusanvu n'okubikkula Omusana ogw'akawungeezi, ng'akwasaganya ebyama byonna ebibadde bikwekedwa okuyita mu mirembe gy'ekkanisa gino, nga kaakano Abibikkudde nga bwe Yasuubiza okukikola mu Kubikkulirwa 10:1 okutuuka ku Iwo 7. Tuutuno wano nga tutudde wakati mu Kigambo, nga n'Ekgambo kitubikkuliddwa Yesu Kristo. Olwo *kino* ky'Ekgambo kya Katonda.

118 Era abantu Be, tuteekeddwa okutambulira okumpi ne Nnannyini, okukitegeera, kyo okusobola okwebikkula. "Ai Mukama, kiki ky'Onjagaliza okukola? Oba nga nteekwa kugenda mu kisaawe okubuulira Enjiri, oba kinjwanidde kusigala waka? Si nsonga kiki kye kiri, nteekeddwa okuba omukyala womu maka omulungi, bwe mba nteekeddwa kuba maama omulungi, bwe mba nteekeddwa okukola *kino*, *ekyo* na *kiri*? Kyonna kye kiri, nteekeddwa okuba omulimi omulungi, singa nze... kyonna kye kiri, Mukama, Oyagala nze nkole ki?

Ekyo Sawulo si kye yakaabira emmanga eyo, nti, "Mukama, Oyagala nkole ki?" Yali mmanga eyo ku... bwe yali ku lugendo Iwe okugenda ng'aserengeta okusiba ekkanisa mu kkomera. Naye era n'aleekanira waggulu nti, "Oyagala nkole ki? Ekitangaala bwe kyagendako, ng'Empagi y'Omuliro ennene ng'ereebeetera waggulu we. "Oyagala nkole ki?"

Ndowoza, ekyo kigambo kirungi okuggalawo nakyo, nga tugamba nti, "Mukama, Oyagala nkole ki? Bwe ndaba Ekyawandiikibwa *kino* nga kibikkuliddwa bulungi ddala kaakano; Mukama, Oyagala nkole ki?"

Leka tukoteke emitwe gyaffe.

119 Nsaba buli omu munda wano okukebera omutima gwo kaakano, obuuze ekibuuzo ekyo, nti, "Mukama, Oyagala nkole ki? Era bantu mmwe, bwe muba nga mukyayungiddwa ku masimu mu ggwanga lyonna, mukoteke emitwe gyammwe nga bwe mubuza nti, "Mukama Oyagala nkole ki? Bwe tulaba nga tuli wano mu nnaku ez'oluvannyuma era mu ssaawa eziembera ddala, nga bituukiriridde ddala mu maaso gaffe, nga bibikkuliddwa mu Iwatu, Oyagala nkole ki?

120 Katonda Omwagalwa, nga bwe bakubuuza Ggwe ekibuuzo ekyo; nge nkubuuze nze mwennyini, Mukama Oyagala nkole ki, nga nteegeera nga buli lunaku lulina embalirira yaalwo? Era nsaba nti Ojja kunnyamba, Mukama okuba bwe ntyo buli lunaku, lubalirwe okuba ekitiibwa n'ettendo gy'Oli.

Nsaba nti Ojja kuyamba buli muntu mu ggwanga lyonna, n'abo bonnaa bali wano mu Kkuunjjaaniro nga bwe twekebera emitima gyaffe nga tugamba nti "Mukama Oyagala nkole ki? Kiki kye nnyinza okukola, Mukama okusobola okwongerayo Obwakabaka Bwo era n'ebigendererwa Byo?" Kikkirize Katonda wange.

Tunoonye mu mitima gyaffe, tugezese. Bwe mubaamu obutali butuukirivu mu ffe, Mukama, okweyaliza kwonna, ebigendererwa n'ebiruubirirwa ebibi byonna, Ai Katonda, tulongoose n'Omusaayi gw'Omwnana Wo Yesu Kristo, Oyo gwe twaniriza olw'okutangirira Kwe n'obuwombeefu bungi olw'okufa Kwe n'okuzuukira Kwe, nga ffe tuggibwako omusango olw'okukkiriza nti kino Yakikola, n'essanyu eringi nga twaniriza enteekateeka y'obulokozi gy'Otuwa Ggwe.

Kitange, tukwebaza olw'Obubaka bw'olunaku obwo bwe twekutteko nga tukkiriza nti Kigambo Kyo era Bubaka Bwo. Si okubeera ab'enjawulo ku bantu abalala, wabula okugezaako okuba nga Yesu Krisro Eky'okulabirako kyaffe.

121 Katonda Omwagalwa, nga bwe bakubuuza Ggwe ekibuuzo ekyo; nange nkubuuze nze mwennyini, Mukama Oyagala nkole ki, nga ntengeera nga buli lunaku lulina embalirira yaalwo? Era nsaba nti Ojja kunnyamba, Mukama okuba bwe ntyo buli lunaku, lubalirwe okuba ekitiibwa n'ettendo gy'Oli.

Nsaba nti Ojja kuyamba buli muntu mu ggwanga lyonna, n'abo bona bali wano mu Kkuunjjaaniro nga bwe twekebera emitima gyaffe nga tugamba nti, "Mukama, Oyagala nkole ki? Kiki kye mba nkola, Mukama, okusobola okwongerayo Obwakabaka Bwo era n'ebigendererwa Byo?" Kikkirize Katonda wange.

Tukebere, mu mitima gyaffe, era Otugezese. Bwe mubaamu obutali butuukirivu bwonna mu ffe, Mukama, okweyaliza kwonna, ebigendererwa n'ebiruubirirwa ebibi byonna, Ai Katonda, tulongoose n'Omusaayi gw'Omwnana Wo, Yesu Kristo, Oyo n'obuwombeefu gwe tukkiriza okutangirira Kwe okw'okufa Kwe n'okuzuukira Kwe. Nga ffe tuggyibwako omusango olw'okukkiriza nti kino Yakikola, n'essanyu eringi twaniriza enteekateeka y'obulokozi gy'Otuwa Ggwe.

Kitange, tukwebaza olw'Obubaka bw'olunaku obwo bwe tukkiriza era bwe twekutteko, okumanya era okukkiriza nti Kigambo Kyo era Bubaka Bwo. Si okubeera ab'enjawulo ku bantu abalala, wabula okugezaako okuba nga Yesu Kristo Eky'okulabirako kyaffe.

122 Katonda omwagalwa, obuli wano bwe butambaala, era waliwo abalwadde buli wamu. Era nze kennyini, Mukama, nkooye era nnyenjebuse, amakya ga leero. Nsaba nti Ojja kutuyamba, Katonda omwagalwa. Tukutunuulidde olw'amaanyi. Ggwe maanyi gaffe. Oyambye bangi, Katonda omwagalwa. Olunaku lwa luli, nga ndowooza wansi eyo mu kibira, nga ntambulatambula n'Olw'oluganda Banks Wood, awo ng'abasawo...Omutima gwe gwali bubi ddala nga tasobola kutambula. Awo okulowooza engeri nze...ssaamanya waggulu eyo, nga ntambulira mu nsozi ezo oluvannyuma Iw'okwolesebwa okwo nti, "Nteekeddwa okutuuka ku mpologoma eyo. Nteekeddwa okulaba empologoma eyo ng'ettiddwa." Era nga nzikirira wansi eyo, nga nnyimiridde eyo mu Tucson, ku wooteeri ya Furr, ne ndaba engoye ze nga zonna zi muleseewo, amaaso ge nga gaguddemu. N'agamba nti, "Katonda wange, bw'Oba Osobola okulaga okwolesebwa, awo empologoma w'eri, mazima Osobola okulaga ku ky'Olw'oluganda Wood." Awo ne kijja nti, "Muteekoko emikono gyo." Era wuuno wano olwaleero, akomyewo, Muganda waffe Banks nate, w'amaanyi, ng'addukira mu nsozi ezo. Nga tukwebaza Ggwe, Katonda omwagalwa. Ggwe Katonda omu eri ffe ffenna nga bwe wali eri Olw'oluganda Wood. Mmanyi Omwagala, kubanga muweereza Wo, omwesimbu era omwesigwa.

Era nsaba, Katonda omwagalwa, nti Ojja kukola ku buli omu ku ffe era Otusonyiwe ebibi byaffe, Owonye n'obulwadde bw'emibiri gyaffe. Tufuulire ddala nga Ggwe, lunaku ku lunaku, Mukama okutuusa nga tutuukidde ddala mu kikula ekyo ekijjudde ekya Yesu Kristo. Kituwe Mukama. Nnina obwesige nti Okebedde buli mutima, kaakano, era tumanyi n'ekyokukola. Tukusaba kaakano Otuwe omukisa, mu Linnya lya Yesu.

123 Ng'emitwe gyaffe tugikotese, waliwo ku bali wano ne ku abo abali ku buyungiro bw'amasi mu ggwanga lyonna, abandyagadde, nga bwe musaba, ng'emitwe mugikotese, owanike buwanisi emikono gyo eri Katonda kaakano. Ekyo kyokka ky'osobola okukola; wano wakutte wonna enkyo ya leero. Wanika omukono gwo eri Katonda, ogambe nti, "Katonda, nfuulira ddala nga Yesu. Nze-Njagala okufaanana ennyo nga Yesu." Katonda Abawe omukisa. Ebweru eyo mu ggwanga lyonna, emikono giri buli wantu wonna, ekibiina ekyekutte ekitole. Nga n'ogwange guli waggulu. "Njagala nfaanane nnyo nga Ye. Nkebera, Mukama, era Ozuule ova nga mulimu obubi bwonna mu nze; Obuggyemu. Nze-Njagala..." kiki? Tuludde nnyo wano, ng'ate tugenda kuvaawo, ova ga mmwe...oba si nsonga kiki ky'oli, oli mugagga kyenkana wa, mwavu kyenkana wa, muto kyenkana wa, wadde mukulu kyenkana wa.

124 Nga nnyimiridde jjo, awabaddde akabinja k'abantu abanaku engulu eyo ku lusozi, emmanga ku...ku kagga. Waabaddewo famire entono awo, omusajja gwe mbaddenga njogerako naye ku Katonda, okumala ebbanga eddene. Ng'aserengeta ne mukyala we omutono, n'abaana musanvu ova munaana, kasajja katono, ka lusonjogo, nga kagezaako okukolera ddoola entonotono olunaku. Omusajja ng'amulese abeere mu kasiisira ak'ebibaati ebitali bigumu. Nga ne mukyala we ali waggulu eyo, ng'asulirira okuzaala omwana

omulala, era yalina embazzi ennene waggulu eyo, ng'ali mu kutemaatema ekiti akisuule wansi nga n'omwana ali ku mugongo, nga bw'asika ekiti awamu n'omulala, ng'azze wansi okutema ekiti ekyo, okutereka enkenene, baleme kuyita mu butiti nga tebalina kya kulya. Abange, nga twamusaaasira nnyo oyo omukazi! Ow'Oluganda Wood nange twagenda ne tufuna emmotoka, ne tumwasiza enku ze, ne tuzimuleetera. Kakazi katu kaasanyuka nnyo, nga kayimiridde awo. Nnawulira okukasaasira. Ne tubeera nga tubasabira.

125 N'omwana we omuto n'akwatibwa ensimbu. Ne tugenda ne tusabira omwana omuto ne Katonda n'Amuwonya. Era olunaku Iwa luli bba we yalina Aniya ng'ayingidde mu... Mbade njogera naye. Omusajja yafuuweeta sigala, bombi baabaddle bafuuweesi. Ng'omukazi akozesza ttaaba, nomwami bw'atyo, ddala ng'abantu b'omu nsozi bwe babeera. Ne mbeeranga njogera nabo ku kyo. Jjo ku makya bwe nnayingidde munda, nga bukeeredde ddala, omusajja nalyoka ajja ng'atambula ng'akutte emikono gye wamu n'agamba nti, "ow'Oluganda Billy, ndi musajja akyuse." N'ayogera nti, "Nfuuweese sigala wange asemyeeyo, era kaakati ndi ku luuyi Iwa Mukama." Omukazi n'agamba nti, "Nange nnafuuweese ogusembayo." Oh, ggwe siga ensigo! "Nze Mukama Nfukirira. Nja kugifukirira emisana n'ekiro, waleme okubaawo omuntu agisikula mu mikono Gyange."

126 Ai Katonda, Saasira kaakano, nsaba, era Otuwe okuyaayaana kw'emitima gyaffe, kubanga mu mitima gyaffe twagala okukuweereza Ggwe. Kaakati, Kitaffe, bona bali mu mikono Gyo, buli wamu. Baana bo. Mukama kolagana nabo okusinziira ku kusaasira; si mu musango, wabula mu kusaasirwa. Tukisaba mu Linnya lya Yesu Amiina.

127 Mumwagala Ye? [Ekibiina kiddamu nti, "Amiina."-Omuk.] Omutima gwo gwonna! Kaakano, mmwe abalina obutambaala, musobola okubufuna. Era kaakati, enkuŋŋaana zaffe, ndowooza zitera kutandika nga bukyalimu kko, ku ssaawa emu, oba ekintu ekifaanana bwe kityo. Ow'oluganda Neville ajja kukiranga. Mu ddakiika ng'emu, okumanya essaawa z'okutandika.

Waliyo okubatiza enkyo ya leero, bwe ndowooza, enkyo ya leero? [ow'Oluganda Neville agamba nti "Amazzi gategekeddwa."-Omuk.] amazzi gali bulindaala singa wabaawo wano atannaba kubatizibwa mu Linnya lya Mukama waffe Yesu Kristo, Iwaki, bwe kirina okuba...Amazzi gategekeddwa olw'olukunjanaa lw'okubatizibwa.

128 Tusiima ab'oluganda abaweereza. Ndaba ow'Oluganda...Olukunjanaa Iwammwe Iwali lutyia, Iwagenda bulungi ow'Oluganda Parnell? N'ow'Oluganda Martin ne, oh, bangi weebali wano, ow'Oluganda Lee Vayle. Oh, abaweereza bajjudde wano wonna. Tubasiimira ddala okuba wano, okukunjanaa naffe ku Kigambo.

129 Oboolyawo muyinza obutakkaanyiza ddala nange ku Kino; sibasaba kukikola, mulaba. Ekintu kyokka, kye muba mukola, mukyekenneeny. Kye munjambala nkyekkaanya. Singa abaweereza bafuna olutambi, ne bagamba nti, "Kale, sikkaanya nakyo." Tewali buzibu, muganda wange. Oyinza okuba osumba endiga; ng'oziriisa kyonna ky'oyagala.

Ngezaako okusigala obutereevu n'Ekigambo eri bano abateereddwa mu mukono gwange ku Iwa Katonda, kubanga Endiga zaagala mmere ya ndiga, kubanga ddala era "Endiga ziwlira Eddoboozi Lyange." Ekyo ky'ekitubezaawo abalamu nabuli Kigambo ekiva...si byonna...si Kigambo leero ne luli; wabula na buli Kigambo ekiva mu kamwa ka Katonda, ekyo abatukuvu kye kirina okubabeeza abalamu.

Leka tuyimirire ku bigere byaffe. Nga tukotese emitwe gyaffe...

Era ow'Oluganda Neville, olina ky'obagamba? [Ow'Oluganda Neville agamba nti, "Nedda."-Omuk.] ow'Oluganda Mann? Kirungi. Buli omu awulira bulungi? Gamba nti, "Amiina." [Ekibiina kiddamu nti, "Amiina."-Omuk.] Leka nno tukoteke emitwe gyaffe. Nja kusaba ow'Oluganda Lee Vayle ajje wano oba ng'asobola. Bw'oba Osobola okutuuka wano, ow'Oluganda Lee Vayle, bw'oba osobola.

Ow'oluganda Vayle muganda waffe wano, omuwandiisi w'ebitabo. Era alimukumaliriza ekitabo kaakano. *Emirembe gy'Ekkansa Omusanvu* ng'ate bw'akola ku *Envumbo Omusanvu*. Era tujja kusuubira mangu nnyo okuba nabyo nga bifulumye amangu ddala. Bwe kiri. Ow'Oluganda Lee Vayle,

Mukama Abawe omukisa.



www.messagehub.info

Byabuulirwa

William Marrion Branham

"...mu nnaku z'eddoboozi..." Kub. 10:7